










1282

slapp 57,5051A



34

Col 1107

STATERA SANGVINIS
SIVE
DISCEPTATIO
DE SAPHENÆ SECTIONE
IN FEBRIBVS TVM IN VIRIS,
TVM IN PRÆGNANTIBVS.
ET DE QVIBVSDAM ALIIS CASIBVS,
AVCTORE
BENEDICTO PERDVICIO
MEDICO TORNACENSIS.



TORNACI,
Typis Viduæ ADRIANI QVINQVE', sub
signo SS. Petri & Pauli, 1668.

1668

STATERA SANDVINIS

SIVE

DISCEPTATIO

DE SAPHENAE SECTIOE

IN FEBRIBUS TUM IN VIRIS

TUM IN PREGNANTIBUS

ET DE QUIBUSDAM ALIIS CASIBUS

AUCTORE

BENEDICTO PERDVCIO

MEDICO TORNAESI



TORNAESI

Typis Viduae ADRIANI QVINOVSII
anno 22. Martii & Paoli 1868.

REGI REGVM

DOMINO DOMINANTIVM

TER OPTIMO MAXIMO

DEO VNI ET TRINO

SANCTISSIMÆ TRIADI.



IBI, Ô Altitudo divitia-
rum, sapientiæ & scien-
tiæ, Summo Medicinæ
Auctori & Creatori, prin-
cipii, finisque nescia Bea-
ta Trinitas, hanc sanguinis stateram
venerabundus tremebundusque sisto.
Abyssus Abyssum invocat in voce
miserationum tuarum; abyssus nihili
Abyssum plenitudinis; abyssus tene-
brarum Abyssum claritatis; abyssus
miseriarum Abyssum misericordia-

EPISTOLA

rum; abyssus exiguitatis Abyssum im-
mensitatis; abyssus imperfectionum
Abyssum perfectionum omnium,
quas nec oculus vidit, nec auris au-
divit, nec cor hominis comprehendit.

Patere, ô Adoranda Trinitas, ut
opusculum hoc deforme licet & im-
politum aris tuis appendam; non
quò immensæ tuæ respondeam Ma-
jestati, sed quò gratum me præbeam
infiniæ Bonitati. Ecquid enim tibi
offerre possum, quod non tuum est?
Me tibi fortasse offeram? Offeram
profectò quod ita tuum est; ut om-
niò non esset, nisi tuum esset. Mea
tibi universa consecrabo? Ecquænam
mea, nisi tua; quæ mea tunc esse
cæperunt, cùm à te mihi data sunt.
Immò & quantulamcumque scien-
tiam meam tibi acceptam refero,
quæ major sanè extitisset, nisi mea
obstitisset pigritia.

Verùm,

DEDICATORIA.

Verùm , ô Beata Trinitas , cùm Medica scientia (cui dispositione tua cœlesti navo operam) adeò abstrusa sit , totque involucris abscondita ; ut nisi tu , Sol æterne , caliginosam ejus claritatem benigniori radio adjuves , exercitatissimus quisque Medicorum illicò cœspitet : quis sum ego , & quæ ingenii mei acies , ut per offusas internorum morborum nebulas , quò eundum , quidve agendum sit , intueri possim ; nisi tu , ô Beata Trinitas , quæ lucem inhabitas inaccessibilem , illumines tenebras meas ?

Quid enim ? si placuit sermo Salomonis coram te , eo quòd muneri suo facturus satis , postulasset sapientiam ; numquid eam ipsam , qua possum animi submissione rogantem , me repelles inanem & vacuum ? Numquid ad candidissimos lucis tuæ radios , quibus in ægrorum salutem per

EPISTOLA

varia praxis discrimina prosperè dirigar, supplicem non admittes? Nimirum certè qua diligis nos Charitas, & infinitus, qui de tenerrimo corde tuo triumphat amor, & hos, & ampliores à visceribus misericordiæ tuæ favores sperare me jubent & expectare compellunt.

Eia ergo, respice & exaudi me Domine Deus meus, illumina oculos meos, ne umquam culpa mea ægroti obdormiant in morte, ne imperitia mea periclitentur, ne incuria tardiùs convalescant: nam sine te nec parum, nec multum possum facere, sine quo nihil possum facere. Vbi verò ægrotus quis constitutos à te vitæ terminos, qui præteriri non possunt, attigerit; ubi de mortali illum carcere educere decreveris; ubi resolutionis tempus insititerit; & idipsum, quæso, fac me iudiciis aliquibus deprehendere:

DEDICATORIA.

hendere : ut monente me disponat
domui suæ, sed magis animæ, sacra
confessione expietur, viatico Corporis
Christi, & extrema unctione munia-
tur; atque adeò morte felici, corpo-
re in terram & pulverem (unde sum-
ptum est) redeunte, ad Creatorem
suum triumphatrix anima revertatur,
ubi Angelorum choris sociata, te Pa-
trem, Filium & Spiritum Sanctum
diligat, laudet, & benedicat per in-
finita sæculorum sæcula. Amen.



AD LECTOREM.

NE existimes velim, studiose Lector, me aliqua gloriæ cupiditate calamo manum admovisse: numquam enim tantum in me potuit vanitas; cum nimium dilucidè ingenii mei perspectam habeam exiguitatem, quam satis *et* scilicet ruditas, *et* dietionis humilitas, velim, nolim, ostendunt.

Quæ igitur causæ ad id me conscium tenuitatis meæ impulerunt? Duæ potissimum: prima quidem, dyscrasia discordiæve inter hujus civitatis medicos, quæ eò usque processit, ut ex his vix reperiretur, qui vellet consultationibus interesse, magno ægrorum damno, nec minori Reipublicæ incommodo. Quæ cum etiam nunc perseveret (nondum enim fraternè, ut antea conveniunt) operæ pretium duxi dissensionis causas paucis exponere, ut veritate perspectâ, concordia civitatis ab exilio revocetur. Impossibile namque est rationes omnes, *et* argumenta sub unius, alteriusve consultationis brevitate concludere: præsertim cum in consultationibus non raro clamores excitentur, *et* qui altius clamat.

AD LECTOREM.

tat, victoriam reportare videatur.

Quapropter quædam annotaveram, quæ ortâ, de saphenæ sectione, disceptatione proferrem in medium: verum cum ad primam de saphenæ sectione mentionem quidam obturent aures suas, ne audiant, aut ex consortio (quod sylvestrius est) insalutatis aliis avole; nonnulli amicorum (quibus parendum credidi) ut reipublicæ bono hoc opusculum prælo committerem, multis rationibus evicerunt.

Alteram scriptioni huic causam dederunt quorundam Medicorum errores, nec non pharmacopæorum, empiricorumque audacia, qui contra *Æ* artem, *Æ* praxim non minori securitate præscribunt passim ægrotis cathartica, quàm si opiparas caupo epulas præpararet. Unde non paucos præmaturâ morte sepulchro inferunt, eo solo nomine immunes à culpa, quo tegi soleant humo non magis cadavera, quàm crimina.

Minimè quidem me latet quàm multis medicis (iis potissimum, qui, Veterum dogmatibus tam pertinaciter adhærent, ut Neotericorum rationes non admittere, immò nec audire velint) hoc opusculo sim bilem commoturus; admissâ præsertim à paucis sententiâ de saphenæ in prægnantibus apertione. Ast de nullo me arguit conscientia, cum nullum scriptis

AD LECTOREM.

scriptis laceffere, nedum lædere velim; nec ullum mihi inde, meisve commodum comparare intendam. Certè si quæ per sedulam diuturnæ praxis observationem errata detexi, evitarentur; & quæ expertus sum proficua, liberè admitterentur, optato potirer fine. Nihil quippe ita mihi cordi est, ac Reipublicæ bonum & salus populorum.

Quid enim? si Hippocratis doctrina tam sanctè semper fuisset observata, numquid non deformis hodie defectuosâque appareret praxis? tempus enim sedulæquæ observationes plurima illi penitus incognita detexerunt. Nam venæ sectionem in gravidis omninò prohibet lib. 5. aphorif. 50. his verbis: Mulier in utero gerens venâ sectâ abortit. Quam sententiam antiquorum plurimi diutissimè, & cum multarum abortu, ac interitu nimis religiosè observarunt, donec contrarium patefecit experientia. Maximus quidem Medicus fuit Hippocrates, nos autem ipsius respectu tantùm Pigmæi existimamur, & sumus. Verùm ut dixit Quercetanus: Pigmæus supra humeros Gigantis intuetur quidquid videt Gigas, & quia elatior, plura insuper detegit. Sic quidquid rimati sunt Antiquiores, lectis eorum operibus, nobis innotescit: & insuper, uti morbi plurimi ætate illa inauditi mortalibus exinde contigerunt;

AD LECTOREM.

gerunt ; ita & remedia plurima illis incognita prodierunt in lucem.

Ea propter minimè vituperandum arbitror, si post diligentes observationes, aliqua præter Antiquorum dogmata, admittantur. Cum autem Medici juniores non ita pertinaciter adhareant defectuosæ Veterum praxi ; idè eis nominatim hic sermo, hòcque destinatur opusculum. In quo non Rhetorum flores, non Dialecticorum argutiæ, non Philosophorum subtilitates ; sed monita quædam reperientur praxi quotidianæ apprimè necessaria ; de quibus nullus huc usque Medicorum tam specialem fecit mentionem.

Opusculo verò titulum præfixi : *Statera sanguinis* ; ut quemadmodum Sapientiâ teste, omnia in mensura, & numero, & pondere disposuit Deus ; ita recordetur medicus, quoties sanguinem è vena mitti imperat, stateram in mente sua habere : ut ex qua vena, quando, quantum, & quoties mittendus sit, attentè consideret. Recordetur, quoties cathartica, aut quid aliud præscribit ægrotis, prius in statera iusta appendere iudicium suum : ut possit inter remedia tuta tutissimum, inter salubria saluberrimum, inter bona eligere optimum.

Boni igitur consule, studiosè Lector, hunc laborem meum, ac si medicinam agis, sanctissimos

AD LECTOREM.

Missimos Medicos Cosmam & Damianum imitare, qui (ut eorum acta testantur) non magis medicinæ scientiâ, quàm Christi virtute, morbis etiam insanabilibus medebantur. At quomodo id assequar? inquires. Assequeris profectò, si ægros tuos maximâ, quâ poteris, eloquentiâ & mansuetudine adhorteris, ut ægritudinis molestias, ac dolorum aculeos æquo animo ferant, seque totos divinæ conforment voluntati, memores nemini quidquam, præter Dei Optimi Maximi voluntatem, & nutum posse evenire; immò nec capillum quidem capitis, absque ejus beneplacito deperdi. Incredibile namque dictu est quantum illa ægrotantis resignatio ad salutem non solùm animæ, sed & corporis recuperandam conferat. Quemadmodum enim timore, & anxietate cor comprimendo, omnesque corporis facultates veluti suffocando, morbus notabile incrementum sumit; sic in adversis patientiâ, & hilaritate ex divini beneplaciti intuitu cor dilatatur, obstructions tolluntur, optima comparatur valetudo, & vita ipsa, parva instar æternitatis, in annos plurimos protrahitur.

At nescio quem imprudentiæ me & temeritatis arguentem audire videor; quòd præstantissimis civitatis hujus Medicis silentium observantibus ausim ego omnium minimus præma-

AD LECTOREM.

præmaturum ingenii sætum in lucem edere.
Fateor sanè & eruditione me aliis inferiori,
& argumento huic pro meritis deducendo impari: sed ed ipso quod parvulus
sim & exiguus, majori securitate dictum
Salvatoris usurpo. Confiteor tibi Pater,
Domine cœli & terræ, quia abscondisti hæc
à sapientibus & prudentibus, & revelasti ea
parvulis. Matth. II.



EPIGRAM.

EPIGRAMMATA
 VARIA
 IN AVCTOREM
 HVIVS LIBRI.

S*I dixit quis , nec falsum dixisse fatemur :
 Conveniunt rebus nomina sæpe suis.
 Cur, queso, PERDV passim BENEDICTE vocaris?
 Qui servas alios , perdere tene potes?
 Diceris an PERDV, mitti quod sanguinis undas
 E pede nunc medicâ sapius arte jubes?
 At sic te mortem clarum est , non perdere vitam,
 Cùm totus prohibes ne moriatur homo.*

ALIVD.

ALIVD.

SI liber Auctoris quædam dicatur imago;
Cur speciem Auctoris non gerit iste liber?
Nam PERDV cum sit, PERDV non indicat esse,
Servandi vitam dum docet arte modum.
Ergo vel iste liber non est Auctoris imago,
Aut Auctor PERDV nil nisi nomen habet.

ALIVD.

Miror quàm varium faciant tua nomina
sensum; quæque sententia datur
Si PERDV tu sis, quæ BENEDICTVS eris?
Verùm si PERDV tu es, tu es cognomine tantùm:
Nomine, reque simul sed BENEDICTVS eris.

ALIVD.

IN venis non est rarum reperire metalla;
Sed rarum in vena est vitam reperire saphena.
Quantò igitur præstat plus cunctis vita me-
tallis.
Tantò plus prodest PERDV invētoribus istis.

ALIVD,

A L I V D.

A Lcydes quantus fuerit, pes prodidit: at tu
Quantus sis Medicus, vena Saphena do-
cet.

A L I V D.

S IS PERDV semper, cūm quis te perdere quæ-
rit:

Sed PERDV non sis, cūm petit æger opem.
Ægris namq; suam qui vult impendere vitam,
In vitæ æternæ tempora servat eam.

Amico intimo

Amicus intimus

F. I. ab. A. C. D.



STATERA



STATERA SANGVINIS
SIVE DISCEPTATIO
DE SAPHENÆ SECTIONE
IN FEBRIBVS.

CAPVT PRIMVM.

*Hujus disceptationis causam summam
continens.*



VAMQVAM *universali ap-
probatione, Nihil sub sole no-
vum, dixerit Ecclesiastes.*
Attamen Aurelius Cornelius
Celsus de venæ sectione scri-
bens lib. 2. cap. 10. dicit:

*Sanguinem incisa venâ mitti novum non est;
sed nullum pænè morbum esse, in quo non mitta-
tur, novum est. Item, mitti junioribus &
feminis uterum non gerentibus, vetus est; in
pueris verd idem experiri, & in senioribus, &*

A

in

Statera sanguinis.

in gravidis quoque mulieribus, vetus non est.
At plebei hujus temporis, medicinæque ignari itidem distitant: feminis saphenam aperire, novum non est: viris autem & junioribus idem facere, novum est. Attamen tam viris, quàm mulieribus id præstabant antiquiores Medici, ut videre est apud Hippocratem, Galenum, Mesuem, Avicennam, &c. & recentiores plurimos: ergo non est novum.

Sed minimè mirum est, si medicinam ignorantes hoc mirentur; id verò stuporem ferè inducit, quòd aliqui nostræ ætatis medici, sibi plurimùm arrogantes, quos tam trivialia medicorum dogmata minimè latere deberent, hoc remedium, quasi aliquod novum, mirum in modum diffament, magnumque nefas esse taliter agere ubique prædicent, in febrium præsertim continuarum, & intermittentium curatione: cum tamen in morbis acutis hanc nostrâ ætate grassantibus tam præsentaneum levamen reperiamus. Admittunt quidem, quòd aliquando fieri possit in mensium, & hemorrhoidarum suppressione, cum fluere consueverunt, sed extra hunc casum nequaquam. Et hoc in practantium palæstrâ, schisma enatum, hujus semina peperit disceptationis.

Sed hic obiter notandum, quòd hi ferè
omnes

omnes medici, qui ita pertinaciter saphenæ sectionem rejiciunt in febribus, venæ sectionem quoque in pueris obtrectant, innovare aliquid (ut aiunt) in praxi medicâ recusantes. Ast profectò, si quod tempore Celsi novum prædicabatur, etiam nunc novum sit, numquam id vetus dici poterit: faciebat quippe Celsus medicinam, Augusti Cæsaris, & Tiberii temporibus, qui à mille sexcentis, aut circiter annis imperii habenas moderabantur.



C A P V T S E C V N D V M.

PARAGRAPHVS PRIMVS.

*In quo adversariorum argumenta patefiunt
& rationibus evincuntur.*



Ed ut omnes physices, & medicinæ periti, hanc litem nostram faciliùs dirimere possint, necesse est rationes, quibus nostri obtrectatores innituntur, patefacere, & quàm brevissimè discutere.

Dicunt primò: per venas pedum non potest educi materia morbifica, quia sunt nimis exiles & angustæ.

A 2

Ad

Ad hoc respondemus, omnes Anatomicos contrarium tenere; asserunt enim venas descendentes esse amplissimas, quia sanguis fœculentior ad eas potiùs mittitur suam ob gravitatem, & alias ob rationes; si ita exiles essent, quomodo fœculentus, & crassus sanguis eas posset permeare? Et certè quotidiana Chirurghi sat sciunt experienciâ, quàm timenda sint femorum vulnera, propter amplissima vasa istac percurrentia, quæ cæsa omnem brevi & minimo spatio totius corporis sanguinem exhauriunt. Vnde mors tam subitò contingit. Testantur præterea Chirurghi, & nos ipsi millies vidiinus, quòd sanguis ex incisa saphena, immò propè pedis pollicem, tanto impetu, & tam affatim exiliat, quàm ex basilica. Ergo non sunt exiles venæ pedum. (ut ipsi astruunt) Ergo tam benè potest educi materia morbifica istac ceteris paribus, quàm ex brachio: immò faciliùs; à calore siquidem aquæ, cui pes immergitur, tanta sit attractio, ut impetu majore, quàm ex basilicâ fluat.

Instant Adversarii: Si venæ pedum non essent nimis exiles, non esset opus aqua calida ad venarum dilatationem, & sanguinis attractionem. Respondemus non immergi pedes aquæ calidæ propter venarum exilitatem; sed propter partiũ frigiditatem, qua venæ coarctantur;

stantur; & ut fœculentus sanguis fluidior red-
datur.

Dicunt secundò Adversarii: quòd sufficien-
ter istarum venarum apertione non refrige-
retur sanguis, neque cor, quòd est febris sub-
jectum. Nos autem dicimus istam objectio-
nem omninò esse experientiæ contrariam,
quandoquidem quotidie videamus isto re-
medio febres uno die jugulari, jecoris in-
flammationes tolli, immò & supernarum
partium phlegmonas debellari. Vt quid san-
guis non refrigeraretur saphenæ apertione,
cùm ex hac tam citò sanguis educatur, quàm
ex basilica?

Instant Adversarii: Saltem non ita refri-
geratur cor, quòd est subjectum febris: er-
go, &c.

Respondemus non ita refrigerari cor, si
minera morbi, vel focus febris sit in venis
cordi proximis: sed si iste focus sit sub jeco-
re, vel in venis Portæ, vel Cavæ descenden-
tibus, negamus. Immò asserimus tunc ma-
gis cor refrigerari ex saphenæ sectione; quia
materia, quæ cor calefacit, ista sectione re-
vellitur, & quòd minùs cor petat, impeditur.
Quamvis enim subjectum febris cor dica-
tur, focus tamen febris rarò, vel numquam
in corde delitescit; sed aliunde eò deduci-
tur. Quamdiu etenim materia febris, quan-

tumvis putrida in foco putredinis retinetur, vel impeditur quò minùs cordi communicetur, febris non accenditur.

Objiciunt tertio Adversarii : Quòd sapphenæ apertione ægri debilitentur sine emolumento, saltem notabili.

Cui objectioni satisfaciemus, absolutè negando ; Communis enim est medicorum sententia, quòd sanguinis evacuatio ex sapphenâ multò minùs debilitet, quàm ex basilicâ : & ratio est, quòd massæ sanguinæ pars impurior, & fœculentior, post confectum in jecore sanguinem, à naturali secretrice facultate detrudatur in truncum venæ Cavæ descendentem : subtilior verò, & spiritibus magis réferta, in truncum ascendentem, & inde per cor in arterias. Itaque si supernarum venarû sanguis sit spirituosior, sequitur quòd plus spirituum deperdatur ex sectione basilicæ, ideoque magis debilitetur corpus hujus venæ apertione. Ægrè enim admodum fert natura jacturam hujus elaboratissimi thesauri, & lipotimia, quæ frequentius accidit sanguinis missione ex basilicâ, id omninò confirmat.

PARAGRAPHVS SECVNDVS.

In quo alia objectiones solvuntur.

Quartum Adversariorum argumentum tale est : Numquam inchoari debet alicujus morbi curatio particulari aliqua evacuatione ; sed semper universalis debet præcedere ; at venæ sectio ex pede est evacuatio particularis, ut docent Rondeletius, Fernelius, & alii ; ergo non debet inchoari aliqua curatio, venæ sectione ex pede.

Ad hoc respondetur : quòd Rondeletius, Fernelius, & alii doceant venæ sectionem ex pede, esse particularem evacuationem in phlegmone partium supernarum, vel cum materia morbifica est in venis superioribus, & sic phlebotomia ex basilica posset etiam dici particularis evacuatio in phlegmone partium infernarum : par enim est ratio. Ægrè admodum omni ex parte extinguetur inflammatio partis alicujus inferioris per basilicæ sectionem, præsertim si phlegmon sit in parte ventris interna.

Ea de causa frequentius curatio per saphenæ sectionem est inchoanda ; quia sæpius supernarum partium contingunt inflamma-

Statera sanguinis.

tiones per infernarum sympathiam. Rarius autem oritur phlegmon partis alicujus inferioris per consensum supernarum. Itaque statuendum, venæ sectionem ex pede esse tam benè universalem evacuationem, quàm ex brachio. Dicunt siquidem Galenus *lib. 4. de sanguinis missione cap. 16. Ex qualibet secta vena totum corpus exoneratur.* Et post eum Fernelius *cap. 7. lib. 2. methodi medendi: Plenitudo, cui nullius partis affectio assistit, qualibet ex secta vena, citra delectum detrahatur.* Insuper medicorum scriptorum plurimi, morborum multorum jubent inchoare curationem per venæ sectionem ex pede; immò in supernarum partium inflammationibus. Ita Arabes ferè omnes decreverunt. Mesue *cap. de pleuritide* ait: *Ubi maxima est plenitudo, jubemus phlebotomari ex saphe-na partis opposita: est enim ejus juvamentum sublime, & festinum.* Idem decretum sequuntur Aselius, & alii paulò infra citandi, ut & Riolanus, qui ita exprimit. *Cognosces quantum utile sit lumbis cucurbitas adhibere cruentas, & de pede sanguinem detrahere, inchoante pleuritide.* Ex his evidentissimè infer-tur sanguinis missionem ex pede non esse particularem evacuationem, cum receptum sit in praxi inter medicos, evacuationem universalem debere semper præcedere particularem.

Objiciunt

Objiciunt quintò Adversarii, venæ sectio-
nem ex pede in viris rejiciendam, ut omninò
inufitatam, sed maximè in febrium curatio-
ne; nam si praxi arrisisset, jam dudum in
usu foret.

Ex ante dictis falsam hanc esse objectio-
nem, sit satis manifestum; quandoquidem
in pede phlebotomiam practicavere Anti-
quiores, & Moderni, ut videbitur inferiùs.
Annuimus quidem hanc praxim non ita fre-
quentem fuisse; sed cùm veritatem tempus
aperiat; & successum experientia manife-
stet, cur modò eam rejiciamus, non video.
Verùm, ut ut infrequens fuerit, attamen ho-
die ab omnibus hoc remedium admittitur,
non modò Tornaci, sed etiam Insulis, Ipris,
Cameraci, Namurci, Bruxellis, & ubique.
Fatenturque Chyrurgi istarum Civitatum se
multò frequentius vocari pro saphenæ inci-
sione, quàm pro basilicæ.

Ratio autem cur nunc temporis solitò fre-
quentius fiat istius venæ sectio, hanc esse exi-
stimo: focus putredinis non semper uno,
eodemque in loco accumulatur; aliis fortè
temporibus deprehensus est à medicis alicu-
bi supra jecur, vel in venis cordi proximis
delitescere, ideoque superiores venas judi-
carunt debere aperiri. Nunc verò cùm hæ
febres quodammodo epidemicæ, circa lum-
bos,

bos, vel in venis majoribus lumbos, viscera naturalia, & mesenterium peragrantibus vagari deprehendantur, propterea tentatum est eas debellare per saphenæ sectionem. (raro enim antea in febribus continuis de tanto lumborum dolore viri, & juvenes conque- rebantur) In initio siquidem, cum grassare hæ febres inciperent, animadversum est, quòd feminæ facilius evaderent, quàm viri, quia illis ratione menstruorum venæ sectio ex pede frequentiùs præscribebatur. Et cum viros lumborum cruciatus, ventris tormina, hypocondriorum distentio, & diarrhea cum febre continua adorirentur, quæ focus putredinis sub jecore esse detegebant; idèò consultum fuit ad venarum infernarum a- pertionem devenire; præstansque esse re- medium comprobavit eventus.

Et fortè antea febrium focus etiam ali- quando sub jecore delitescibat; sed medici (quibus utilitas missionis sanguinis è saphena non ita innotuerat) solitam medendi ratio- nem immutare noluerunt. Quorum vesti- giis inhærentes moderni plurimi, nulla in- dicatione sumpta à juvantibus, & lædentibus, gregum more, quòd itur, viam capeiunt, non quòd eundum est.

*****X*****:*****

C A P V T T E R T I V M.

PARAGRAPHVS PRIMVS.

In quo argumentis, & rationibus antedicta confirmantur.



Ibros Moyses Geneseos de mundi origine Aristoteles cum evolvisset, fertur dixisse: *Hic multa refert, sed nihil probat.* Et ne aliquis idem mihi possit obtrudere; argumentis quibusdam, nonnullisque auctoritatibus ante dicta stabilire conabor.

Primò: illa evacuatio melior censetur, qua sanguis, & alii succi in venis contenti promptius vacuantur: sed sanguis ipse, & ceteri humores cum eo permixti, cum sint graviores, & deorsum magis ruant; per partes inferiores promptius vacuantur; ergo.

Secundò: illa evacuatio magis est amplectenda, in qua vires minus debilitantur; sed in sectione saphenæ hoc contingit: ergo. Major patet. Minor probatur ex antedictis cap. 2. paragr. 1. item Galeni auctoritate lib. de renum dignosc. & curat. cap. 4. qui in robustis secat venam brachii, in debilibus venam

venam pedis. Id quod Avicenna apertè confirmat *lib. 4. cap. 20.* his verbis: *Et scias quod sectio tali, minùs debilitat, quàm basilicæ.* Siquidem vena Cavæ ascendens per anastomoses tantum habet cum magna arteria commercium, ut dum per basilicam exoneratur maxima spirituum fiat deperditio.

Tertiò: illa est æstimanda sanguinis evacuatio, quæ fit per partes latissimas, & venas magis amplas: at rami venæ cavæ descendentes tales sunt: ergo. Minor probatur ex Galeno *1. epid. sect. 2. com. 20.* ubi dicit, quòd inferiores venæ sint amplissimæ.

Quartò: numquam sunt attrahendi peccantes humores à partibus minùs nobilibus ad nobiliores; ergo præstat phlebotomiam facere ex venis pedum; partes enim nobiliores sunt versus superiora, ut cor, pulmo, cerebrum, &c.

Quintò: quando morbus indicat venæ sectionem ea administrari debet ex ea parte, à qua nullum potest timeri discrimen: sed aliqua noxa potius contingit à sectione basilicæ: ergo præstat ad saphenam recurrere. Major patet. Minor probatur. Basilicæ sectio sæpissimè excitat metastases, & saphenæ sectione eæ sistuntur, ergo. Probatur ex Galeno de curatione per venæ sect. *cap. 19.* ubi

ait:

Statera sanguinis.

13

ait: *Quæ ex cubito fiunt evacuationes hoc habent adjunctum malum; nempe quòd menstruas purgationes comprimant, sanguinemque ad superiores corporis partes retrabant.*

Sextò: putridi humores sanguini permixti, per venas furiosè debacchantes, motu depravato partes versus principes ruere consueverunt; sed præsertim, si tantilla attractione excitentur basilicæ sectione: ergo præstat eos per venæ sectionem ex pede, revelere. Probatur: putredo in venis majoribus continuò cor afficit, & suapte natura, & qualitate maligna ad cerebrum, vel aliud nobile viscus impetuosè fertur, ut ibi inflammationem, & postea abscessum procreet, quod impediri vix potest, nisi phlebotomia ex pede; nam si fiat ex brachio, ut plurimum iste motus depravatus concitatur, qui si impediri possit, infallibiliter morbus superabitur, ordinaria etenim interitus causa in febribus continuis, sunt internæ inflammationes, & abscessus; rarò autem admodum virium defectus. Itaque peccantes humores, qui depravatè moventur, incessanter partes in contrarias trahendi, & revellendi, juxta Galeni doctrinam lib. de curat. per venæ sect. cap. 15. ubi dicit: *Podagricos ex cubito evacuato, comitialibus verò morbis vertiginibusque, obnoxios, qui morbi sunt capitis, potius ex cruribus.*

Septimò,

Septimò, humorum corruptio frequentius, & ferè semper contingit infra jecur, in venis nimirum mesentericis, liene, pancreate, circa intestina, renes, matricem, &c. quæ ab omnibus sentina corporis censentur propter excrementorum omnium illac transitum; in istis enim locis concepta putredo citius serpit in venas Portæ & Cavæ descendentes propter viciniam, & venarum istarum anastomoses illic desinentes, quàm in venas Cavæ ascendentes: ergo multò præstat ab injecto clystere, statim inchoare curationem per phlebotomiam ex pede, ad revulsionem humorum putridorum, ne in venas cordi proximas rapiantur: quod maximo ægrorum detrimento sæpè contingit, dum per basilicæ sectionem incipitur curatio: & hoc ferè semper in feminis, & puellis palpabiliter illicò deprehenditur, quando eis in morborum initiis fit basilicæ, vel alterius venæ superioris apertio.

Quod numquam nisi cum magna præmeditatione faciendum: Vel enim eis instant, vel fluunt menstrua, vel omninò supprimuntur, vel statis temporibus parcè fluunt, vel in fluxus declinatione invadit morbus, & in istis omnibus casibus, nefas est devenire ad sectionem basilicæ, nisi priùs per repetitas infernarum venarum phlebotomias, truncus

venæ

venæ Cavæ descendens sufficienter fuerit exinanitus. Immo in iis, quæ statis temporibus optimè, & ritè repurgantur, & quamvis non sit circa menstruæ purgationis periodum, non tutò in februm initiis devenitur ad basilicæ sectionem, nisi saltem semel fuerit aperta saphena. Nec hanc censeo praxim mutandam ob adjunctum partis alicujus superioris phlegmonem, si ægra appareat plethorica. Quæ de causa explodendam, & quasi perniciosam omninò abjiciendam censemus aliquorum medicorum doctrinam, qui docent in curandis partium supernarum phlegmonibus citissimè ad basilicæ apertionem (spretâ ex saphena revulsione) esse recurrendum, immò *lôis feminarum nuper enixarum fluentibus*. Quo dogmate non paucas, ab eorum sequacibus in sepulchrum detrusas vidimus ejusmodi mulieres.



PARAGRAPHVS SECVNDVS.

*In quo antedicta Veterum, & Recentiorum
auctoritate firmantur.*

Objiciunt Adversarii: Si hoc genus re-
medii esset amplectendum, multi me-
dicinæ scriptores eam quàm maximè com-
mendassent: sed pauci sunt, qui de eo men-
tionem faciant: ergo, &c.

Ad hoc respondemus: quamquam multi
sint qui hoc præcisè non indicarint, nulli ta-
men eorum id improbant quasi nocivum;
sed id Medici arbitrio relinquentes sangui-
nem esse mittendum judicant, at sine venæ
delectu. Sciunt etenim unum ex præcipuis
medicinæ fundamentis esse, & à nullis medi-
cis ignorari debere: nempe quòd si minera
morbi sit infra jecur, sanguinem ex pede
esse mittendum; si supra jecur, ex brachio.
Talis fuit mens Hippocratis diversis in locis,
ut Galenus insinuat lib. 6. aphorismo 36. &
maximè lib. 6. epid. sect. 2. com. 14. ubi ait:
*Didicistis autem aliàs, membra quæ supra
jecur sunt, vacationes per partes supernas
expostulare: quæ inferiora sunt, per partes
infernas: nam superiorum inferiorumque om-*

nium

nium corporis partium, jecur terminus est.

Immo Galenus passim metu metastaseos ad venæ sectionem ex pede recurrit revulsionis gratiâ, etiam cum materia errat vagabunda in venis superioribus.

Instant Adversarii, quod ex Galeni auctoritatibus citatis sequatur, sæpius debere fieri venæ sectionem ex brachio, quàm ex crure; sæpius enim contingunt cruditates procreari, & accumulari in ventriculo propter ingluviem, & depravatam concoctionem, quàm in partibus inferioribus, sed ventriculus est supra jecur; alimentum siquidem prius in ventriculo præparatur, postea per pylorum in intestina gracilia, & in jecur per mesaraicas descendit: ergo, &c.

Possit major ex parte negari: procreantur quidem cruditates in ventriculo sed rarò inibi accumulatur, & corrumpuntur; at cum chylo continuò delabuntur, nisi in villis & tunicis ventriculi inclusæ sint, & tunc non febrem, sed singultum, nauseam, cardialgiam, & similes affectus producant. Verùm ad minorem transeamus, distinguendo: ventriculus secundùm superiorem sui partem, stomachum nempe, vel ventriculi os superius, situ est supra jecur, conceditur: secundùm autem ejus fundum, negatur. Si autem aliquid in ventriculo de-

B

tineatur,

tineatur, corruptionemque inibi concipiat; hoc in fundo ejus contingit. Verùm demus totum ventriculum situ esse supra jecur; debet tamen cum inferioribus numerari; cùm venæ, quibus nutritur, à venis Portæ ducant originem; Coronaria quippe stomachi, quæ ipsius os superius amplectitur, & pererrat, à trunco venæ Portæ profilit, ut & Gastrica major, & minor, nec non vas breve, totum reliquum ventriculum foventia, & nutrientia à venis splenicis, quæ venæ Portæ rami sunt, oriuntur. Et cùm truncus venæ Portæ sub jecore variè suos dispergat ramos, qui per anostomoses multiplices cum ramis venæ Cavæ descendentibus junguntur; sequitur quòd ad exonerandas ventriculi venas, venæ sectio ex pede sit anteferenda.

Antedicta firmanur auctoritatibus passim supra citatis ex Hippocrate, Galeno, Avicenna, Mesue, & Arabibus pænè omnibus. Sed insuper sunt non pauci ex Neotericis non infimæ notæ Medici scriptores, qui hanc eandem nostram confirmant sententiam, ut Massarias, Horatius, Angenius, Trincavellius, Gavassetius, Zacutus Lusitanus, Gardinus, & alii. Ast super hac re audiamus Danielelem Sennertum *lib. 2. cap. 6. de febris continuis*, ubi sic habet: Ma-

gor verò est utilitas venæ sectionis in pedibus, præcipuè si simul revellendum sit; nam si vires sint debiles, & materia caput petat, & capitis dolor, & vigilia infestent, commodissimè, & cum summa utilitate vena in pede aperitur, quæ evacuat, revellit, viresque minùs deicit. Ipsius verba ipsissima sunt. Ea de causa non pauci consulunt in omni febre putrida, comitante plethorâ, esse inchoandam curationem phlebotomia ex pede, ne quid impuri versus cor, ceterasque partes tum vitales, cum animales trahatur. Quamvis phlegmone supernarum partium aliqua, ut peripneumonia, pleuritis, angina, phrenitisve comitetur; ut revulsio à quàm longissima parte fiat. Sed eodem die, si malum urgeat (inflammatio nempe partis superioris) basilicæ apertio fieri convenit.





CAPVT QVARTVM.

PARAGRAPHVS PRIMVS.

*In quo agitur de Sectione Saphenæ
in gravidis.*



Anti facit phlebotomiam ex pede Zacutus Lusitanus, ut eam non vereatur consulere, etiam in ptero gerentibus, & quamvis acriter in eum invehatur ea de causa Nicolaus Fontanus; attamen frequenti experientiâ reperimus eum agendi modum multò tutiorem esse, quàm huc usque à medicis creditum est: & rariùs abortire feminas in febribus continuis, ex saphenæ incisione, quàm ex basilicæ, dummodò ita larga non sit evacuatio, & per repetitas vices epicraticè sanguis eventiletur, & refrigeretur, ad quinque nempe sexve uncias una vice. Verùm cum magna adest plethora, præstat omnium primò levem phlebotomiam fieri ex brachio, & postea ex pede, ne supernarum venarum sanguis cum impetu matricem versus feratur, trahaturve.

Ratio autem cur venæ sectio ex pede,
majoris

majoris sit levaminis prægnantibus, quàm ex brachio, hæc est: Phlogosis circa uterum enata citiùs dissipatur venæ sectione è talo, quàm ex basilica: phlogosis quippe vel cacochimia in venis utero vicinis, vel in ipso utero, abortus causa frequens est; facilè enim fœtui per funiculum propagationis communicatur, eumque eodem afficit morbo. Sed qua, quæso, de causa tam funesta censetur febris continua prægnantibus, nisi ex istius circa uterum phlogosis, vel cacochimiæ inadvertentiæ; quæ rarò basilicæ sectione propter loci distantiam tollitur?

Malè profectò cum pleuriticis ageretur, si semel tantùm, aut ad summum bis sanguis mitteretur ex malleolo; numquam enim inde potest mitigari inflammatio pleuritica, nisi fiat per sympathiam partis inferioris. Si autem partis alicujus superioris inflammatio, post factam revulsionem ex viciniore parte, evacuationem postulet; quare idem non fiet respectu uteri? Nec enim plus confert uteri morbis post factam revulsionem sectio basilicæ, quàm sectio sapphenæ supernarum partium affectibus. Sed huc usque tanta medicis fuit anilis timiditas, ut ægrè adducantur ad venæ sectionem in gravidis, propter metum abortus. Et

quod tanto studio evitare contendunt, per
parciorem sanguinis evacuationem accele-
rant; ac si venæ sectioni parcendo, aposte-
ma evitaretur pleuriticum; nullum etenim
tollendæ inflammationis efficacius suppedi-
tatur remedium, quàm larga venæ sectio.
Si quod autem liberalioris phlebotomiæ sit
contraindicans (ut imprægnatio, virium de-
fectus, &c.) epicratica celebretur.

Quapropter in gravidis facta semel ex
brachio venæ sectione ad uncias septem,
aut circiter, optimum erit ad saphenam
recurrare, ex qua sex, aut septem uncia
poterunt evacuari, ut ex loco viciniore ci-
tiùs inflammatio tollatur. Si post primam
parciorem ex pede venæ sectionem, non
mitigetur oppressio, cum fiducia repeta-
tur. Nisi enim sectione saphenæ circa ute-
rum phlogosis tollatur, absque dubio con-
tinget abortus. Isto autem solo remedio
& fœtus & prægnans levantur, recreantur,
salvantur.

P A R A

PARAGRAPHVS SECVNDVS.

*In quo argumenta in contrarium adducuntur
& solvuntur.*

AD maiorem huius materiæ dilucidationem iuvat Nicolaum Fontanum audire, doctrinam Zacuti Lusitani oppugnantem. Primò dicit quòd in febribus, Apoplexia, Epileptia, aut uteri strangulatu, si fieri debet phlebotomia in gravidis, debet fieri ex parte magis tuta, & ex loco unde vires minùs exhauriuntur: sed phlebotomia ex brachio habet has commoditates: ergo.

Major conceditur, minor autem negatur, & ex ante dictis *paragr. 1. cap. 2.* & *paragr. 1. cap. 3.* huius tractatus facile dissolvitur, atque refutatur. Immodò quasi impertinens, respectu præsertim uteri strangulatus, omninò rejicitur. Quia si quid urget venæ sectionem ex pede in prægnantibus, est ipse strangulatus uteri.

Prima etenim histericæ passionis indicatio, est saphenæ incisio in non prægnante, & qui in isto affectu basilicam aperiunt, malum augent, contra artis principia operantur,

tur, suamque manifestant imperitiam. Immo, si non prægnans, isti affectui obnoxia aliam ob causam in brachio phlebotometur, citò iste concitatur affectus, quamvis à longo tempore, illius paroxysmum non senserit; estque iste affectus nominatim, qui medicos compulit, ad saphenæ sectionem in prægnantibus devenire.

Secundum Fontani argumentum, tale est: ex illa parte in gravidis facienda est sanguinis missio; ex qua non potest timeri abortus: sed ex sectione saphenæ certum sequitur abortus periculum: ergo ea in gravidis est interdicens.

Si major omninò concedenda foret, sequeretur quòd ex nulla parte fieri posset in gravidis venæ sectio: vidimus siquidem non rarò, immediatè post basilicæ sectionem, abortum contigisse: Sed minor absolute negatur: non enim magis certò sequitur per sectionem saphenæ abortus, quàm post sectionem basilicæ, præsertim in febribus continuis. Præterquam in magna plethora, (ut dictum est superius) in qua totus supernarum partium sanguis inferna evacuatione motus, posset cum impetu matricem obruere, & abortum causare; quòd non continget si levis ad revulsionem priùs fiat basilicæ sectio. Millies enim contigit videre

dere tum nuptas , cum liberas , quibus post ex pede phlebotomiam , nullus subsecutus est abortus; etiamsi nulla præcessisset ex brachio revulsio.

Suum firmat argumentum Fontanus auctoritate Hippocratis , qui *lib. 6. aphor. 31.* interdicit sanguinis missionem in gravidis , quia movet & agit.

Sed respondemus Hippocratem venæ sectionem interdixisse in gravidis ex quacunque parte , nullâ mentione factâ de saphe- na. Ea de causa dicit Corn. Celsus agens de venæ sectione : *Siquidem Antiqui primam , ultimâque ætatem sustinere non posse hoc auxilii genus judicabant , persuaserântque sibi , mulierem gravidam , quæ ita curata esset , abortum esse facturam. Postea verò usus ostendit , nihil ex his esse perpetuum , aliâsque potiores observationes adhibendas esse , ad quas dirigi curantis consilium debeat : interest etenim , non quæ ætas sit , neque quid in corpore intus geratur , sed quæ vires sint , &c.*

Tertium Fontani argumentum sic habet: Quidquid movet menstrua , abortum facere potest : sed venæ sectio ex pede movet menstrua : ergo , &c.

Quamquam hoc Adversarii argumen- tum , Achilles ejus videatur , tamen captio- sum

sum omninò est. Quare major distingui debet: Quidquid leviter movet menstrua abortum facere potest; negatur; plurima enim sunt quæ menstrua movere apta sunt, quæ tamen quotidie à prægnantibus assumentur in eduliis, ut folia macis, nux moschata, crocus, piper, cæpe, allium, apium hortense dealbatum, &c. quæ tamen minimè abortire faciunt. Fortiora, & in magna quantitate exhibita menses moventia, abortum facere possunt: concedo. Possunt quidem aliquando, sed non infallibiliter: plurimæ enim puellæ imprægnatæ fortissima ejuscemodi pharmaca deglutiunt, ut embrionem possint abjicere, sed sæpissimè intentione frustrantur. Ast venæ sectio ex pede movet menstrua: si admodum larga fiat concedo, cum autem epicratica celebratur, Nego.

Infert: ergo venæ sectio ex pede abortum causare potest.

Respondetur idem posse accidere per basilicæ sectionem, si largior fiat.

Instat Adversarius: etiam parca ex pede phlebotomia abortum potest excitare. Probatur: citius menstrua proliciuntur parciore phlebotomia, quàm liberaliore; quia largior saphenæ sectio fluentia menstrua sæpè cohibet. ergo.

Respondeo

Respondeo negativè. Nisi enim aliquod concurrat contra indicans venæ sectioni, ut summa imbecillitas matris, aut infantis, rarò parca ex pede venæ sectio abortum excitabit. Nec verum est citiùs excitari menstrua parciore, quàm largiore phlebectomia, nisi actu fluant; cùm autem fluunt, liberalior ea derivando aliquando cohibet. Quemadmodum pharmaca, quæ menses movere apta sunt, nisi validiora, abortum non excitant. Pari etiam ratione, nisi largiori ex saphena evacuatione abortus non continget. Faciliùs enim multò remorata moventur menstrua, cùm sit evacuatio naturalis, quibus oppressa natura continuò satagit ad expulsionem, leviqùe sæpè adjuta auxilio inutilia extrudit excrementa: abortus verò cùm sit contra naturam, non nisi insuperabili contingit violentiâ. Vterus quippe cùm sit primordii hominis palatium, tutissimo eum munimento vallavit Providissimus naturæ Opifex, ne levi injuriâ embrio inde possit exturbari. Nam ut dicit Galenus *lib. 14. de usu partium*: *Collum durum, ac nervosum matrici indidit natura, ut conceptum animal non facilè decidat; sed tam arctè clauditur, ut ne minimum quidem aut intus foras laxet, aut foris intro recipiat.*

PARA-

PARAGRAPHVS TERTIVS.

*In quo causæ frequentiores recensentur
abortus.*

Quartum Fontani argumentum sic incipit : Ex ea parte sanguis hauriendus, in qua adest major plenitudo. Transeat. Sed in vasis maximis inter alas, & inguina redundat sanguis, & non in uteri venis. Negatur. Amplissima etenim sunt uteri vasa, præsertim in prægnante, ubi omnia circa uterum ampliora fiunt. Nam membraneum ventriculi corpus, cum ex saturitate nimia quasi crepat, ac distenditur; ex hac distensione magis redditur tenue & minus spissum. (incredibile quantum nimia ventriculum debilitet satietas; qua de causa sanitati magis conducit duos aut tres pastus uno die facere, quam in uno supra modum satiari) Ast contrarium omnino imprægnatæ contingitatrici, quæ quò magis fætus augmento distenditur, eo ejus spissior, & magis crassa fit membrana, cum qua omnes venæ, omnesque dilatantur arteriæ.

Ea de causa, si quæ sit plenitudo in gravidis, circa uterum potius restagnat, quam alibi.

alibi. Tum quia sanguis cœco naturæ ductu, cum abundat, matricem versus potius fertur, quàm ad alias partes, conservandi, & nutriendi fœtus gratiâ; tum quia per istas partes singulis mensibus se exonerare est assuefactus.

Instat quintò Fontanus: Etiam si prægnantis affectus sectionem indicet saphenæ, magis tamen attendendum est ad fœtus conservationem, quàm matris.

Quod negandum omninò putamus: hac enim extincta fœtus evadere minimè potest, vel saltem rarissimè: sed per abortum sæpè mater servatur. Vnde licitum est in periculoso morbo adhibere medicamenta directe sanativa matris, licet per accidens, & indirectè sequatur abortus.

Zacutus Lusitanus non solus est, qui saphenam secat in gravidis, sed scriptores Itali ferè omnes hoc docent, decretumque est inter eos, immò quasi sancitum: quòd si mulierem gravidam in ultimis suæ gravitationis mensibus, fortis invadat morbus, debere uno eodemque tempore ex saphenâ & basilica phlebotomari: idque ut saphenæ incisione impediatur ascensus impuritatum & lotiorum circa matricem restagnantium: basilicæ verò apertione, superabundans retineatur superiorum venarum sanguis, ne
matri-

matricem versus, saphenæ apertione cum impetu ruat attractus. Et hunc agendi modum Forestus in suis observationibus mirum in modum extollit, & se cum laude sæpius id fecitasse gloriatur.

Ego ipse non paucos vidi medicos taliter optimo cum successu practicantes: & annos triginta hanc praxim secutus, vix ullum inde expertus sum contigisse abortum. Vidi equidem (ut verum fatear) non paucas post incautam venæ saphenæ incisionem, abortum passas, cum largior facta fuisset, quia non putabantur imprægnatæ, sed superscriptis cautionibus observatis, paucas.

Ea de causa planè existimo, firmiterque mihi persuadeo, abortum in febribus non causari à venæ sectione, sive in pede fiat, sive in brachio, nisi ea facta sit incautè admodum larga. Causas septem sequentes potius inculparem: Primò, ipsius febris malignitatem. Secundò, phlogosim inflammationemve uteri, vel ejus in vicinia. Tertio, cacochimiam in ipsis uteri vasibus. Quarto, ægritudinem ipsius fœtus. Quintò, ipsius uteri infirmitatem. Sextò, ejus matricis nimiam humiditatem, qua ejus ligamenta citò resolvuntur. Septimò totius prægnantis imbecillitatem. Hocque insinuare Celsus visus est his verbis: *Si juvenis imbecillus est,*

est, aut si mulier, quæ gravida non est, parum valet, malè sanguis mittitur: at firmus puer, & robustus senex, & gravida mulier valens, tutò isto remedio curantur.



CAPVT QVINTVM.

In quo experientiæ Primatus tribuitur.

SEd quorsum plura, cùm experimentum pro nobis militet, quod omnibus argumentis & rationibus fortius habetur, & certius. Et ut dicit Andreas Trevisius: *Firmatur quidem iudicium ex adæquatis in medicina rationibus; sed rationes in praxi medica, propter conjecturas & varias occasiones, experientiam non rarò habent castigatricem.* Vidimus enim sæpissimè feminas utero gerentes acuta febre correptas à phlebotomia ex basilica pejùs habuisse, & easdem ex sectione saphenæ reïterata citò recreatas, & absque fœtus detrimento liberatas, nec abortum passas: sed & multas cernere licuit à venæ sectione ex brachio extinctas cum fœtu, vel illicò abortivisse. Quin & innumeros aspeximus viros, ac juvenes ex secta saphena convaluisse, & non paucos à prima

à prima venæ sectione . eos præsertim , quos cum summo lumborum cruciatu invaserat morbus . Et ferè omnes taliter affecti , quibus post injectum clysterem incisa primo morbi die fuit saphena , ante diem tertium convaluerunt.

Verùm si viris & juvenibus sectio saphenæ sit tam proficua & salutifera , feminis ac puellis est longè magis necessaria : latissimas quippe amplissimasque habent venas descendentes , & maximè circa uterum , propter assuetum fluxum menstruum , qui suo motu alios etiam humores eò allicit , ducit , impellitque . Quî sit , ut ferè semper minora ægritudinum in eis versus istam partem sit querenda.

Quapropter majorem ad securitatem , in omnibus puellarum , ac mulierum morbis per sectionem saphenæ satius est inchoare curationem , quando phlebotomiam morbus indicat ; præsertim cùm vaga adhuc est in venis materia morbifica , & necdum aliqui parti superiori adhæret per inflammationem . Tuncque bis , vel ter ad saphenæ sectionem deveniendum , nisi aliqua causa urgens aliter indicet . Vidimus namque non rarò in optimè repurgatis & longè à mensium periodo , post duas aut tres ex pede venæ sectiones , cùm deventum fuisset ad
basilicæ

basilicæ apertionem , ob urgentem capitis
dolorem , aut simile quid , illicò metasta-
sim inductam.

Si autem in benè repurgatis & longè à
mensium periodo (id est à quarto die post
fluxum menstruum usque ad sextum ante
sequentem periodum) inflammatio partis
alicujus superioris contingat , facienda sal-
tem semel in initio phlebotomia in crure,
& si aliquod inde levamen non perceperit,
statim ad basilicæ sectionem recurrendum.
Si verò inde meliusculè habere videatur ,
signum est membrum mandans versus infe-
riora situm , & recipiens per sympathiam
affici , idcirco si aliquid adhuc faciendum
veniat , à juvantibus , & lædentibus sumen-
da est indicatio.

Præfatam autem praxim sequendam om-
ninò existimamus à decimo tertio ætatis an-
no , usque ad quinquagesimum quartum
aut quintum. Circa istam ætatem etenim
in juvenculis venæ uteri , & partium vicina-
rum turgescunt & dilatantur , sanguisque a-
bundantior eò mittitur. Vnde tunc pleræ-
que , vel paulò post menstruas patiuntur
purgationes. Et quamvis circa quinquagesi-
mum & ante ordinario naturæ cursu , men-
strua non ampliùs prodeant , nihilominus
fœculentior massæ sanguineæ pars ob assue-
factionem

factionem & loci capacitatem, adhuc matricem versus fertur & amandatur, quæ exitum non inveniens ibi incalescit vaporesque pravos ad superiora mittens, vetulas variè afficit: donec per ætatem provectiorē, minùs sanguinis natura procreet, exitumque istàc ampliùs non inveniens, inveteratam paulatim amittat consuetudinem.

Ratio autem cur in optimè repurgatis non debeat fieri phlebotomia in brachio immediatè post menstruam periodum, sed ad minimum debeat quatuor dierum spatium expectari, hæc est: superabundans sanguis, quem natura uterum versus detruserat ad menstruam purgationem molientdam, totus non egreditur, at semper remanent reliquæ, quæ basilicæ apertione trahuntur superiùs & morbosam inducunt dispositionem.

Quemadmodum enim bilis aliufve humor peccans, qui diarrheam in benè valente procreat, per diarrheæ fluxum non semper totus egreditur, sed ut plurimùm remanent reliquæ, quæ ni expurgentur, febrem, aliumve parient morbum (ut quotidianâ patefit experienciâ) quando enim expultrix non ita stimulat ab abundantia, reliquias despicit & retinet, at medicus naturæ minifter, quæ ab ea negliguntur, debet complere.

Sic

Statera sanguinis.

35

Sic sanguis per menstruas purgationes in matricis viciniam raptus, demptâ per menstruam purgationem abundantîâ, expultricem non amplius stimulat, sed ibi restagnat, donec sensim à natura in venas majores dispargatur. Vtpote qui nec corruptus est, nec expurgari postulat, sicut humor relictus à diarrhea.

Si verò basilica aperiatur imminentibus menstruis, motus menstruus impediatur, revelleturque & identidem tali errore ad plures menses retardabitur maximo ægrarum detrimento.

Lactantibus etiam non proficue mittitur sanguis ex brachio, nisi præcesserit saphenæ apertio, vel singulis mensibus ritè repurgentur, quod tamen non adeò frequenter accidit. Vbi verò singulis mensibus menstruas non patiuntur purgationes, magna superfluitatum circa matricem accumulatur copia ex sanguine in lac convertendo segregata, quæ basilicæ incisione sursum attracta partibus nobilioribus nocumento foret.



CAPVT SEXTVM.

In quo antedicta dilucidantur.

V Erùm enim verò quamquam huc usque summam saphenæ sectionis in febris utilitatem depredicaverimus, omnibus tamen eam convenire nequaquam censemus. Cùm enim humor peccans in venis superioribus aliqua phlegmone afficitur, omnibus eam nocivam asserimus, plethoricis exceptis, & iis, quibus solemnis aliqua solita evacuatio suppressa est, v. g. inveteratum tibiæ ulcus multum pus fundens, fistula ani, vel partis alterius inferioris, hemorrhoides, menstrua, &c. Sciendum tamen est quòd plethoricos præsertim febris adoriatur, & quòd admodum rarò accendatur febris, ubi plethora non reperitur, si non ad vasa, saltem ad vires.

Medici quidem non pauci in præsentia inveniuntur, qui quotidianâ observatione summam saphenæ sectionis utilitatem admirati, avidè eam in praxim adduxerunt, sed aliquid adhuc veteris erroris retinentes, se inculpatè ad saphenæ sectionem in viris accedere

accedere non posse existimant, nisi prius basilicam secuerint. Quibus innixi rationibus, ignoro. Sed attentâ revolvant sedulitate ea, quæ hac de re superius diversis in locis adduximus. Nam cum (ut plurimum) focus putredinis sub jecore incipiat, & inde toto generi venoso communicetur, quare in initio per revulsionem è saphena, ista non impediatur aut retardetur communicatio, quæ per basilicæ sectionem potius acceleratur?

Certè si in pleuritide, primò ejusdem lateris secaretur basilica, postea ad saphenam lateris oppositi deveniretur, ista praxis censeretur præpostera & deformis. Pari igitur ratione in febribus continuis (ubi nondum defixa est inflammatio) præstat saphenam primò secare, deinde basilicam: præterquam in prægnantibus, in quibus basilica prius secanda, deinde saphena, ut superius demonstravimus. Et quamvis Domini Zacuti Lusitani de saphenæ sectione in gravidis doctrinam tueri ex ante dictis videamur; omnibus tamen & semper id præstare nullo modo putamus, sed tantùm eis, quæ acuto morbo laborantes, phlogosim, inflammationemve, seu cacochimiam circa uterum, vel in uteri venis patiuntur, vel alium quemlibet affectum, qui eas in mortis discrimen posset inducere. Sed quæ in

apirexia versantur, præstat ex brachio phlebotomari, exceptis tamen eis, quæ ab uteri consensu, subitâ corripuntur orthopneâ. Sæpius namque saphenam gravidis aperire jussi, (nulla ex brachio præmissâ phlebotomiâ) quæ absque febre sanguinem per tussim expuentes gravitate anhelitus premebantur, & absque abortu, & nullo fœtus detrimento, sanitati illicò fuerunt restitutæ.

Quamquam cunctos, & singulos medicæ praxi insudantes, maximè circumspectos exoptem in saphenæ prægnantium incisione: libuit tamen toto capite 4. hujus opusculi aliqua argumenta, nonnullasque rationes adducere: ut neminem fugiat, majori cum securitate ad saphenæ sectionem in gravidis accedere licere, quàm huc usque medici crediderint licitum esse.



C A P V T S E P T I M V M.

PARAGRAPHVS PRIMVS.

In quo ambigitur utrum in fluore alui symptomatico licitum sit ad phlebotomiam devenire.

SEd & alij insuper in praxi contingunt casus, qui non parvum medentibus faceffunt negotium, medicosque dubios, & ancipites sapè reddunt. Primò, ambigitur inter medicos, dum febris cum alui fluore incipit (colerâ exceptâ) utrum sanguis sit mittendus. Aliqui ne ægros magis debilitent, malunt totum naturæ committere negotium. Alii epicraticè purgant cum rheo & syrupo rosarum solutivarum. Sed fluor iste cum ab icore pravo, & mordaci expultricem stimulante, qui continuò ex venis detruditur in intestina, originem ducat, debet contemperari sanguis, reiteratâ, sed parcâ venæ sectione. Primò ex pede (iste enim fluxus denotat scaturiginem putredinis esse sub jecore) deinde ex brachio. Nisi enim sanguinis effervescencia sufficienter phlebotomiâ

miâ impediatur, malignitatem concipiet, & acrior evadet; unde fluor magis irritabitur, qui cum sit symptomaticus causam adhuc crudam habens in venis, non potest tolli purgantibus; immò inde magis effrænabitur, efferabiturque, perniciosam inferens metastasim.

Ea de causa hoc documentum dedit Hippocrates: *Concocta medicari oportet, non autem cruda: in principio verò omnia sunt cruda.* Insuper purgantia omnia verè purgantia aliquid deleterii possident, quo vim inferunt naturæ, aliter non purgarent. Item sua caliditate, sanguinis augment effervescentiam, concoctionisquæ interturbant rudimentum.

At dicunt Adversarii, quòd quando purgantia in febrium initiis præscribunt, se in animo non habere causam febrium evelere conjunctam; sed antecedentem tantum, nempe cruditates & inquinamenta primis in viis hærentia, quæ causam fovēt conjunctam, eamque perpetuare faciunt.

Respondemus hanc praxim quandoque optimè succedere in intermittentibus, in quibus non ita metuuntur metastases, quia eorum causa magis est tenax, viscidaque, & cum extra majores venas putrescat, raro ab uno ad alium locum transfertur. In con-

tinuis

tinuis verò , ubi putredo est in venis majoribus , ubi causa conjuncta non ita strictè dependet nec fovetur ab antecedenti (ut in intermittentibus contingit) ubi materia est agilis & fluida , sæviante febre vix unquam conducit , frequentissimè autem obest. Levissima siquidem agitatione , putridus iste sanguis , ut tera indomita debacchatur , & purgantia contemnens , non quò trahunt fertur , sed in aliquod nobile viscus impingitur , defigiturque : unde internæ inflammationes , & abscessus oriuntur , qui in febribus continuis sunt causa mortis frequentissima.

PARAGRAPHVS SECVNDVS.

In quo errores in purgantibus administrandis deteguntur.

Profectò dictu incredibile est , quantam in pagis & civitatibus passim quotannis stragem edant medicamenta purgantia , præsertim fortia (iis autem libentiùs utuntur subnotandi , quia vilioris sunt pretii) in morborum initiis exhibita à pharmacopæis , tonsoribus , Argyrtis , & mulierculis præscripta , absque ullo morbi temporum delectu ,

tu, sortem, non artem omninò sequentibus.

Cùm verò contra artis principia operantes, omnia in deterius adduxerunt, morbi sævitiam, malignitatémve accusant. Si abscessus autem interni indicium aliquod offererint, internum & exitiale apostema latere asserunt, atque adeò insanabilem ab initio morbum extitisse; cùm ipsimet exitium praxi præposterâ pepererint. Et sic illis impunè & necare, & trucidare permittitur. Cautum proinde est pluribus in locis sub gravi pænâ, ne venenum in officinis veneat: & cùm fortia medicamenta venenosa sint, immò & venenis pejora; quia magis liberè assumuntur, nonne eorum venditio prohiberi deberet, nisi cum approbati, & licentiati scedulis medici; ne imprudentes & ignari suo morbo remedium quærentes, suum accelerent interitum?

Id quod, proh dolor! singulis ferè diebus videre contingit. Plebei siquidem homines vilioris pretii semper quærentes medicamenta, in sævioris morbi vigore adibunt pharmacopææ officinam, petentque pro asse pulverem antimonii vitriati, vel gummi guttæ, Ialapæve. Ancilla sæpissimè propter heri absentiam, istorum pulverum thecas probè agnoscens (quia in usu sunt frequen-

frequentissimo) absque hæsitacione dabit dosim ad libitum, & ut emptori possit gratificari, aliquid adhuc absque munera superaddet, ac si tragea foret, aut cordialis aliqua saccharata confectio. Nonne cum tam sedula dispensatrice, miseri vita ægrotantis in tuto est loco? Id quotidie accidit, & tantus error absque animadversacione permittitur. Sed nimium frequens perpendite periculum.

Primò, febre desæviente catharsis fortioris exhibitio, aut exitium adfert, aut longiorem parit ægritudinem. Secundò, expertissimi medici industria, & sagacitas vix sufficit ad justam purgantium dosim, & ægrotantis viribus, & complexionì omninò proportionatam præscribendum; & tyro novitius, vel trium ancilla dierum ægro non viso justam dosim poterunt assignare? Nonne est ægrum sorte in periculum conjicere evidentissimum? Tertiò, errorem popularem omninò censemus carpendum, quo plebs quotidie decipitur, cum catharticum sibi comparare cupit, petens per pretium, quod per pondus facere deberet: non enim pharmacopæi omnes medicamenta communi venundant pretio, unus altero vendit carius. E. g. habuit quidam diaphænici dragmas sex pro tribus asibus,

fibus, & quia isto medicamento istius dosi purgatus est secundum animi sententiam, aliàs cum iterum purgari volet, adibit alium pharmacopæum, & itidem petet diaphanicum pro tribus assibus, hic isto pro pretio non dabit plusquam semunciam, cum qua vix quidquam efficiet, & sic sua frustrabitur intentione. Alius pro eodem pretio majorem dabit dosim, & sic continget superpurgatio.

Ast in medicamentis vehementioribus, in longè maius incidunt discrimen, parvus enim in iis error sæpè ægrum conjicit in sepulchrum. E. g. si rustico pulverem antimonii vitreati pro asse exigenti, detur præcisè secundum pretium, sextuplo plus recipiet quàm ipsi competit ad purgandum: & sic si totum una vice sumat, quod petiit, indubiè lætho occumbet: ipse etenim dosim unam intendit postulare. Credo equidem pharmacopæum rustici mentem capere, ipsique dosim daturum; sed non est pharmacopæi purgantium doses designare, cum expertissimi medici uniuscujusque complexioni id accommodare vix assequuntur. Quid ancillæ & administri rustico præbebunt, si exercitatus possit errare pharmacopæus?

PARAGRAPHVS TERTIVS.

*In quo alii Pharmacopæorum errores
deteguntur.*

R Elata nuper supradicta Senatui fuere, & à medicis requisitum, quatenus Respublica à periculis recensitis vindicaretur, expedire, ut pharmacopæi in posterum nulla purgantia exhiberent absque notorum medicorum schedulis manu propria, & nomine signatis. Citati ea de causa pharmacopæi in medicorum absentia, responsum dederunt, medicos lucro inhiantes hoc medium adinvenisse, ut omnes ad eos recurrere cogantur in rebus etiam minimis; quasi verò pro tantillo rhabbarbari, pro tantillo foliorum fennæ, pro duabus, aut tribus, (ut aiunt) pululis familiaribus, oporteret semper schedulas medicorum expostulare, quod grave onus populorum scapulis esset imponere. Hæc responsa medicis minimè communicata fuere, & sic infectum stetit negotium.

Ad hæc dicimus: Tantillum rhabbarbari (ad quod matres inconsultis medicis recurrere solent, simul atque morbus renellos eorum

eorum infantes invalit) continuò febrem augere , quotidie inde epileptias procreari , aliasque humorum translationes excitari. Folia verò sennæ ut fortia magis conturbant , & in morborum principiis funestiores etiam in viris producunt eventus. Non semel insuper contigit videre duas trêsv. pilulas de aloë lota in morbi initio sumptas , tantum excitasse incendium , ut nullis remediis extingui potuerit.

Et utinam in medicamentis benignioribus exhibendis se continerent pharmaco-
pzi ; sed sæpenumero fortia quæque etiam ita liberè promunt , ac si lusus foret infantium. Quiritet apud dominum Pharmacopæum muliercula de mariti intolerabili capitis dolore ; is absque mora , sine ulterio-
ri perquisitione , morbûsne sit , an symptomâ , id est , an febris , aliûsve morbus hunc procrearit dolorem , an æger sit in
apyrexia , an vetustus sit morbus , an re-
center occeperit (in cujusvis etenim mor-
bi principiis ob materiæ cruditatem , raro
profunt purgantia , præsertim fortiora , etiam si
febre vacent , malum autem augment fre-
quentissimè) sed illico pilulas (ut aiunt)
capitales imperabit scammonio colocin-
thideque refertas , vel species diacartami gut-
ta gamboia , gialappave acuatas , ita ut
Apostoli

Apostoli sequi velle consilium videantur: *Nihil inquirentes propter conscientiam*, & sic cæpta sanguinis concalescunt, & aliquando interna inflammatio, magis desævit, medicamentique calore, & vehementia inchoatum adaugetur incendium; adeoque omnia in pejus ruunt. Verum quidem est, quòd fiat morbus brevior, sed per interitum.

Nónne præstaret tantillum pro medici consultatione impendere, quàm marito, vel parenti exitium accelerare? Fortè dicta, vel quiete potuisset mitigari morbus absque medicamenti exhibitione, & sic eis non tantum constitisset.

Pauperibus verò medicinalia consilia gratis conceduntur. Itaque non lucri causa, sed Reipublicæ vel populorum incolumitati advigilantes, pericula averruncare conamur. Sed quid remedii, si hi, quorum interest dicta pericula avertendi, defectu medicæ scientiæ, illa non capiant, aut parvi faciant? cavendum sanè est, ne & ipsi in foveam, quam aliis præcludere negligunt, cadant: monendi que interim ceteri, ne vitam suam, omnibus fortunæ bonis præterendam, medicinæ principia ignorantibus tam facile credant.

PARA-

PARAGRAPHVS QVARTVS.

In quo tractatur de tempore & modo exhibendi cathartici.

Objiciet aliquis, ad quid tam multis purgantia rejicere in febrium initiis, cum non pauci medicinæ periti id faciant? Respondeo medicos occasionem aliquando opportunam arripere, cum febris continua in principio non ita urget, post primam venæ sectionem, minorativum porrigunt, vel quando febris dat inducias, ut frequenter visum est annis 1667. & 1668. quæ istius moris erat, ut quarto, quinto, vel sexto die levi cum sudore remitteretur; sed defectu sufficientis evacuationis, post quartum, aut sextum remissionis diem, revertebatur: quod antea satis infrequens erat. Quibus spontè alvus fluebat, ut plurimum evadebant, alii verò periclitabantur. Ast pharmacum purgans ore sumptum vigente febre methastasis identidem excitabat.

Insuper purgatur aliquando in initio cum materia turget, ut dicit Hippocrates *lib. 1. aphor. 22* *concocta maturâque purgare ac movere oportet, non cruda: nec per initia,*
nisi

nisi materia turgeat Sed addit: raro autem turget. Atque aphorismum hunc Galenus 4. de sanitate tuenda, cap. 5. oraculum appellat. Cum autem ad purgantia in initio devenitur, tam benigna, tamque levia seliguntur, ut lubricantia sint potius, quam verè purgantia: ut sunt, diaprunum simplex, syrupus violaceus, syrupus rosarum solutivarum, levis rhabbarbari infusio, pulpæ tamarindorum cum cassia, &c. Sed ista sæpissimè intentionem deludunt medicorum, vel enim parùm, vel nihil purgant, & sic tempus teritur absque fructu, & quamvis nihil ejecerint, incoctam tamen materiam perturbant. Ista præterea à plerisque damnantur; dulcia etenim omnia in stomacho alterantur, & in bilem convertuntur.

Mallem ego causam antecedentem decoctis & julapiis refrigerantibus, & leviter detergentibus detergere, blandisque enematis per inferiora allicere; sic namque causæ immediatæ pepasmus non perturbabitur. Porro si minorativa, ut aliquid faciant febris in vigore, paulò fortiora præbeantur, causam conjunctam adhuc incoctam commovebunt, & in cassum irritabunt. Nam ut habet doctissimus Duretus: *Quidquid citat & citatum non excludit, D majorem*

maiorē oppressionem facit.

Quapropter sunt plurimi, qui tam sanctē, tam accuratē concoctionem expectant, ut non solum in febribus continuis, & acutis, verū etiam in diuturnis, & intermittentibus, immō omnibus ferē morbis non nisi coctione præcedente, ullam purgationem putent instituendam. Adeō ut Alex. Massarias *lib. 5. præf. cap. 22.* eos reprehendat, qui in quartana ad coctionem humorum, utuntur syrupis compositis de fumaria, de pomis & epithymo, de polypodio, ideō quōd cassiam, sennam, epithymum, polypodium, & alia ejusmodi medicamenta recipiant, quæ concoctionem non solum non juvent, sed etiam illam maximē turbent & impediunt.

Incommoda intempestivæ purgationis, eorumque causas, si quis magis perspectas habere satagit, legat Danielem Senertum *lib. 2. de febr. cap. 6.*

PARA-

PARAGRAPHVS QVINTVS.

De epicratica purgatione.

A St dicet aliquis: Non est proficuum ita semper perfectam expectare concoctionem ad catharticum exhibendum; immò vituperandi videntur medici qui diutius protrahunt morbum, concoctionem ulteriorem expectando, quæ fortè futura non est. Quin potius imitanda est natura, quæ apostema aperit, ut partem puris concoctam extrudat; & interim vacat reliquiarum concoctioni. Et hæc plurimorum est sententia; præsertimque Fernelii, qui sic habet: *Non semper expectanda totalis concoctio pro blandi medicamenti exhibitione.*

Respondemus, nos idem asserere: non enim semper totalem; sed saltem aliqualem exposulamus: verbi gratia in acutis sub finem status, cum febris incipit mitescere, si aliquid urget, leve catharticum potest præscribi: & quò magis perfecta est concoctio, eò fortius propinari potest & debet: attamen purgantia epicratica in febribus seu cronicis, seu acutis, quotidie exhibenda nullatenus censemus; etiamsi aliqualis

appareat concoctio : istâ quippe quotidianâ agitatione impeditur & turbatur pepasimus; immò crudior redditur materia morbifica, impingiturque in viscera profundius; unde magis rebelles redduntur obstructions, morbus prolongatur, deteriorque, ut plurimum, evadit. Verum quidem est quod multoties vidimus quotidianâ per epicrasim ad dies aliquot purgatione, post diuturniorem humorum & corporis præparationem, contumaces morbos radicitus extirpatos, ubi nulla comitatur febris; utpote obtento præparationibus istis perfecto humorum pepasmo. Ast quamdiu febris perseverat, signum est humorum cruditatem nondum evictam, tenacioremque esse, quàm ut levi medicamento (ut sunt epicratica) possit exturbari. Certè si humorum concoctio esset ferè in facto esse, præstaret paulò fortius propinare catharticum: nam si primâ epicratici exhibitione causa morbi non evellatur, profectò nec secundâ, nec tertiâ exturbabitur; quia quid citat & citatum non excludit, majorem facit oppressionem, quòd centies magno ægrorum damno observavimus.

Non tamen intendimus epicraticam purgationem in febribus omninò rejicere, sed tantum quotidianam: immò asserimus in
cronicis

chronicis & maximè in triumgenis , ut hemitriteo & similibus , non modò proficuum ; verùm & necessariam , dummodò singulis triduis , aut quatrividuis tantùm exhibeatur , ut in intervallis tempus habeat natura vacandi concoctioni. In quartanis verò , longiores multò debent servari intercapedines , propter ejus causæ tenaciorem visciditatem , quæ tam brevi spatio vix à nativo calore posset immutari , vel alterari.

In acutis autem morbis quando post reïteratas sufficienter per venæ sectionem evacuationes , non est spes metastaseos impediendæ , phrenitisque vel alius similis morbus est in fieri , & nondum in facto esse , vel quando materia venenosa est ; consentaneum esse censeo ad vinum recurrere emeticum : illo enim medicamento satis feliciter serum acre , & fervidum sanguini permixtum (quod suâ acrimoniâ venas vellendo , & stimulando metastases inducit) etiam ex venis unâ cum bile & aliis corruptis humoribus è corpore infra , supraque exturbatur. Sed dosis (si vires ferant) validior sit oportet , ne quod motum est , non educatur. Hanc praxim plerique Parisiis amplectuntur , mirisque extollunt laudibus , ex quo Rex Christianissimus propè Dunkercam tali remedio à mortis limine

revocatus est. Sed jam dudum in Italia, & aliis in locis practicabatur: ut videre est apud Hier. Capivaccium in *appendice de tempore exhibendi solutivi*, & apud Pium Æneam Caprilius de *febre putrida in genere lib. 1.* & apud Eustac. Rudium *lib. 3. pract. cap. 22.* & plures alios.



C A P V T O C T A V V M.

An mittendus sanguis menstruis fluentibus




Ecundus casus, qui medentium mentem in dubium trahere solet, est: quando febris continua puellam, vel mulierem unà cum menstruo fluore adoritur, an sanguis mittendus est? Febris suadet, sed fluor contra indicat; venæ sectione etenim, quamvis ex toto fiat, menstrua fluentia sæpè cohibentur. Ea de causa, quasi oraculum à plerisque hoc habetur: *Domina operatur Natura, finito.* Sed distinctione opus est: si febris mitis est, nec multum cruciat, fluxus autem utcumque procedat, finito. At interim iulapiis, decoctis, clysteribus blandis refrigerantibus, similiq̃ue dieta sanguinis fervor

Statera sanguinis.

fervor mitigabitur. Si autem febris sævia,
summa cum inquietudine, & vigiliis, ca-
lorque sit intensus, sanguis illicò mitten-
dus ex saphena, sed per epicrasim, lato
tamen foramine, ad sex nempe septém-
ve uncias bis in die: largior enim venæ
sectio fluxum sistit, parcius verò eum alli-
cit.

Si finis autem istius fluoris foret expe-
ctandus, (qui sæpè ad sex, octóve dies pro-
trahitur) sanguis per nimiam effervescen-
tiam, aut malignitatem concipiet, aut in-
flammationem alicubi procreabit. Mag-
num enim incendium stillicidio nullatenus
extinguitur: nec umquam animadversum
est fluxu menstruorum ordinario febrem
notabiliter factam mitiorem.





CAPVT NONVM.

Inflammatione alicujus partis superioris invadente, si simul fluxus enormis ex utero contingat, quid faciendum?



Ertius casus proximè habens ancipitem; est, quando alicujus è superioribus partibus inflammatio simul cum enormi fluxu uterino incipit. Affectus uterque sanguinis missionem ex cubito videtur expostulare: verùm enim verò si diu antea menses substituerant, & dolor, vel oppressio partis phlegmone affectæ, ut pleuritidis, anginæ, phrenetidisve urgeat, satius est in talo revulsionis gratiâ venam aperire, & duodecim vel circiter uncias sanguinis lato foramine extrahere, ut simul à parte inflammata revellatur, & fluxus divertatur. Nam (ut dictum est superius) parca ex pede venæ sectio menses movet, & allicit: sed larga eos sæpè cohibet.

Si autem ex brachio phlebotomia exerceretur, enormis iste fluor citius quidem rempesceretur; sed totus ille sanguis, quem
natura

natura uterum versus amandaverat, ad superiora dubio procul absque mora trahe-
retur, partemque inflammatione crucia-
tam magis opprimeret. Ea de causa, ta-
met si patiens singulis ritè mensibus sit men-
struata; si tamen plethorica appareat, etiam
ex pede præstaret, saltem semel, sangui-
nem mittere: ast in aliis casibus, si post
unam, aut alteram ex pede venæ sectio-
nem adhuc affectus dolorosè lancinet, an-
helitumque comprimat, citò citiùs ad basi-
licæ apertionem deveniendum.

Et quamquam Massarias in istis casibus
venas in poplite, vel talo perpetuò aperien-
das esse variis contendat rationibus; mallet
tamen cum Daniele Senerto post duas aut
tres ex talo phlebotomias, si dolor pleuri-
ticus aut similis inflammatorius persistat,
ad basilicam recurrere, ut diximus: nam
cùm ita pertinax est dolor, signum est ma-
teriam ita jam parti affectæ adhærere, ut
uterum versus amplius revelli non queat.



CAPVT DECIMVM.

PARAGRAPHVS PRIMVS.

An in febre pestilentiali sanguis sit mittendus, & quando.



Mbigitur præterea an in febre pestilentiali consentaneum sit devenire ad phlebotomiam? Auctorum & practificantium major pars negativam tuetur: sed Dodonæus, & non pauci alii suadent in plethoricis phlebotomiam exercere. Hanc ego doctrinam secutus optatum sæpissimè observari eventum; dummodò sequentia observentur dogmata.

Primò, ne administretur quando natura aliquid foras protrudit: bubone tamen apparente, si magna sit plethora, potest extrahi sanguis ex vena parti dolenti vicinior. E. g. si bubo sit in inguine, tundatur saphena ejusdem lateris, si sub axillis, basilica: sed immediatè post, præbeatur alexiterium.

Secundò; ut ea fiat in morbi die primo, id est, ante quàm horæ quatuordecim à primo

primo morbi exordio præterierint.

Tertio , ut ea nequaquam præscribatur præterquam in ætate vegeta , id est ad quadragesimum usque annum , qui ultimus Iuventæ terminus nuncupatur. Post illam etenim ætatem quamvis plethora venæ sectionem indicet , humidum tamen radicale citius à necrosi pestis evincitur qualitate.

Quartò ut immediatè post venæ sectionem , antidotum in bona dosi propinetur : ut hoc , aut simile.

R. theriaces veteris dragmas tres , syrupi de succo citri unciam unam & semis , aquæ cardui benedicti uncias tres , Misce, fiat potio.

In potionibus , & conservis præservativis addi possunt lapides bezoardici , salia cardui benedicti , absinthii , cornu cerui philosophicè præparati , confect. de hiacint. & similia. Sed pro curatione , quia periculum est in mora , istis omnibus fidere minimè vellem, immò nec diascordio, quod præservativum magis est, quàm curativum: præterquam in pueris, & debilibus, & aliis alvi fluore laborantibus: quia ista omnia sunt levis armaturæ auxilia. Sed theriaca Andromachi benè & accuratissimè dispensata , & ex selectissimis consignata simplicibus , super
omnia

omnia alexipharmaca principatum obtinet, & ejus succedaneum Mitridatium. Ast theriaces dragma una, ut à pluribus medicis præscribi solet, nimis imbecillis est dosis, ut tam sævum hostem aggrediamur. Ego autem cum Dodonæo robustis sæpius ad semiunciam optimo cum successu præscripsi.

Si æger medicamentum (ut monet Sennertus) vomitu rejiciat, mox illud repetendum: immò etsi illud retineat, semel exhibere alexipharmacum non sufficit, sed intra octo horarum spatium repetendum; immò ter intra viginti quatuor horarum spatium reïterari debet, quin etiam dosis augeri, vel aliud fortius eligi. Neque quis sibi persuadeat, si semel vel bis sudaverit, & melius non nihil habeat, se jam extra omne periculum esse constitutum. Si enim minimæ veneni reliquiæ in corpore hæreant, dispersas resumet vires, novumque naturæ bellum inferet.

Itaque quinquies vel sexies intra biduum talia sudorifica repetere est necessarium. Quod cum sæpè negligatur, sic plurimi, qui servari possent, intereunt, & optima etiam remedia infamantur. Nec pertimescenda theriaces caliditas: quamvis enim febris pestilentialis ardentissima deprehendatur, ac-

cidentalis

cidentalis tantum est, & symptomatica, & cum à peste pendeat, si pestilentialis malignitas alexiterio domari possit, febris illico mitigabitur. nam (ut aiunt philosophi) ablata causa, tollitur effectus. Et id confirmat etiam Daniel Senertus lib. 4. cap. 6. de curatione pestilentiae, his verbis: *Causa nulla est cur theriaca rejicienda sit, cum plus commodi venenum expellendo, quam damni calorem excitando afferat; ut saepissime in praxi observari licuit.*

Reiteratis praefato modo sudorificis post elicitos optimè sudores, si quarto morbi die nihil natura foris patefecerit, febre non mitigata, constantibus etiam viribus, confidenter ad mediocrem venae sectionem deveniendum: devicto enim alexiteriis veneno, evaporataque aera pestilentis malignitate, sanguinis effervescentia proficue phlebotomiâ attemperatur. Immo & reiterari potest, si febris desævire non desinat.

PARAGRAPHVS SECVNDVS.

*In quo argumenta eorum, qui venæ sectionem
rejiciunt exprimuntur, & solvuntur.*

ARgumenta, quibus muniuntur, qui in peste rejiciunt phlebotomiam, hæc sunt. Dicunt primò: quia in peste qualitas venenosa cor præsertim oppugnat, ideò quidquid peste affectis adhibetur, debet eò tendere, ut omnia à centro ad circumferentiam depellant: sed venæ sectio contrarium facit; ergo.

Major ab omnibus non admittitur, quia multi, stybii ritè præparati infusione sanitati restituuntur: stybium autem, ut & omnia purgantia, à circumferentia ad centrum trahit. Insuper saphenæ sectio à corde revellit. Quamvis autem venæ sectio ad centrum moveat, iste motus facilè impediri potest alexiterii exhibitione immediatè post venæ sectionem; ut dictum est superius.

Dicunt secundò: pestifera malignitas quamprimùm in corpus se insinuavit, cor petit illicò, ejusque vitales facultates debilitat, spiritusque vivificos opprimit. Quapropter quidquid vires dejicit, in peste minimè

minimè debet administrari : sed venæ sectio vires dejicit : ergò minimè debet administrari.

Respondeo concedendo majorem. sed minor debet distingui : in debilibus venæ sectio vires dejicit , ergo in peste minimè debet administrari : concedo. In plethoricis autem in ipso morbi principio : negatur. Eorum enim vires oppressæ venæ sectione allevantur , recreantur , & quasi ab inutili & ponderosa sarcina deposita sublevantur. Quemadmodum enim tantillum spiritus ardentis absinthii in poculum vini immissum totum illicò vinum inficit amaritudine : sic aura pestilens in corpus receptum , totum quàm celerrimè depravat sanguinem , eum acrem admodum , præfervidumque reddens : undè quasi ebulliens & furiosus venis vix contineri potis est , præsertim cùm plethora adest , tantam parit lassitudinem inquietudinemque , ut mirum in modum cruciet , nisi venæ sectione mitigetur. Si tanto incendio theriaces caliditas addatur cum sudoris labore & conatu , timendum certè est , ne vasa disrumpantur , vel febris notabile sumat incrementum. Non enim sine notabili periculo , sudorificis vel catharticis defatigantur plethorici , aut validius subeunt exercitium.

Ludovicus

Ludovicus Septalius *in animadvers. medic. lib. 5. n. 36.* scribit, in peste illa insigni, quæ Mediolani anno 1575. & 1576. grassata est, se cum aliis medicis primò quidem venæ sectionem averſatum fuisse: verùm cum ex sententia curationes non succederent, mutatâ sententiâ aliorum exemplis, & felicioribus successibus excitatum, venæ sectionem postea feliciter adhibuisse.

Itaque sic operandum censeo: si omninò in morbi invasione vocetur medicus, præbere posset utiliter antidotum sudorificum mitius, ut quod in ambitu & habitu corporis receptum est venenum, citò citiùs discutiatur, ne per venæ sectionem intro alliciatur. Sed immediatè post venæ sectionem validius incorporetur alexipharmacum. Somnus tamen non admittatur antequam æger bis ad minimùm sudaverit, ne vis veneni per somnum ad interiora serpat.

Si secundò autem die tantùm vocetur medicus, spretâ phlebotomiâ, ad validiora citò recurrat antidota. Cum enim pestiferum virus per moram nimiam totum inquinavit sanguinem, & præcordia usque penetravit, ex quo vitæ fons debilitatus, magis adhuc phlebotomiâ debilitaretur. Immo & primo die nocivam judico venæ sectionem si pestis ab universali aëris corruptione

corruptione generetur; quod detegitur, si simul plures passim variis in locis infectorum viciniam aut communicationem peste corripiantur, præsertim aliqua animi vel corporis commotione, ut casu, percussione, defatigatione, crapula, incusso ex improvviso timore, jurgiis, iræ excandescencia, immò & levissima febrili dispositione, &c. tunc ad antidota & alexipharmaca dumtaxat confugiendum, cordialibus & confortantibus adjunctis. Sed si contagione communicata fuerit, salubri alioquin cœlo & anni constitutione, rerumque omnium quæ ad victum faciunt, maximâ abundantia, & ubi corpora succi plena deprehenduntur, venæ sectio tunc primo die plurimum adferet juvamentum, quod plus quàm centies aliis pestilentiis expertus sum: illo enim curandi modo præfatis dogmatibus observatis, identidem ante diem secundum pestis abigitur profligaturque.

E

P A R A-

PARAGRAPHVS TERTIVS.

Quòd peste grassante non sit semper rejicienda venæ sectio.

NOn pauci, peste sæviante, in plebeis deteguntur errores; quibus cum obnoxii non sint Medici, jure merito silere possem, nisi iusta civium commiseratione motus, illorum anxietati occurrendum putarem; duas, easque frivolas plebeculæ opiniones refutando.

Prima est, venæ sectionem pestilentia grassante nullo modo admittendam: credunt enim pestem venæ sectione induci, idque eorum mentibus ita infixum est, ut agrè medico aliis in morbis phlebotomiam imperanti obtemperare audeant; quod omninò falsum est, & ab omni ratione alienum. Nisi enim pestiferum virus antea receptum sit, & alicubi in corporis habitu latitet, nullatenus phlebotomia attrahetur. Verùm ad purgantia intrepidè in pestis, & morborum aliorum initiis confugiunt plebei, quæ tunc nociva (ut plurimum) sunt: crudos enim exagitant humores, à circumferentia ad centrum trahunt, sanguinem calefaciunt,

calefaciunt , spiritus accendunt , febremque adaugent mirabiliter , & si ea sit pestilens, fatum accelerant : At his periculis caret phlebotomia. Immo asserimus nullum peste scæviente maius præservationis remedium esse , quàm phlebotomiâ sanguinis demere plenitudinem : plethoricos etenim faciliùs , & frequentius pestis adoritur, eosque qui acriorem fervidioremque sanguinis massam continent , quæ pesti suscipiendæ aptissima materia est : unde nullum eis remedium citiùs opitulatur , quàm frequens venæ sectio. Itaque in apyrexia & morbi idea probè percognita securissimè venæ sectio admittenda est , si plethora adsit , aut morbus id indicet.

Altera , eaque futilis opinio familiis , in quibus ægrotare quis incipit , maiorem parit anxietatem ; hæc autem est : pestem omnibus aliis morbis intervenire , aut succedere debere , quod eos tanta afficit inquietudine , ut toto longissimi morbi decursu malè sibi semper metuant , & consanguinei invicem se invisere non audeant, etiã in tutissima tertiana : cui tamen timori & sedula observatio & quotidiana experientia contradicunt ; cùm idea morbi non facilè mutetur , talisque permaneat , qualis incepit , præsertim quantum ad supremam malignitatem.

tatem. Ea de causa, quando erumpentes variolas, morbillos, rubiolas, erylipelas, &c. immò & pethechias purpureas detegimus, jam à pestilenti febre sumus securi: vel ubi typum intermittentis alicujus observavimus nullus amplius de peste timor ingruit. Mutatur quidem non rarò tertiana in duplicem, hemitriteum, continuam, immò & in quartanam, sicut Pleuritis in Peripneumoniam, nec non Epileptia in Apoplexiam, &c. hi enim affines sunt morbi, & causa unius non ita differt ab alterius; ast putredo tertianam aliamve intermittentem produciens, ita differt à causa pestis, ac si antipathia quædam adesset: rarissimè enim contingit videre tertianarium peste affectum; pestilentialis quippe febris (ut superbus victor) ab alio morbo attritum despicit, & in optimè valentes, & plethoricos præsertim desævire consuevit, rariùs in debiles, & imbecilla utentes valetudine: hi tamen in domo peste inquinata degentes ex continuo auræ pestilentis per respirationem attractu, citiùs peste enecantur; nec quartana aut tertiana laborantes, neque leprosi, aut scabiosi immunes erunt à peste, si in domo pestifera inclusi sint, vel in aëre inquinato validius subeant exercitium dictas ob rationes. Itaque hoc firmissimè tenendum,

nendum , pestem nullis ægritudinibus succedere aut intervenire solere , præterquam ephemeræ febrī , maximè si à causa procedat evidenti , & hoc non identidem . Illa siquidem subitò validæ tempestatis more , ut plurimum invadere solet , nulla alia præcedente infirmitate .

At dices : vulgò probabiliter tenetur , saltem febrī continuæ pestem intervenire aut succedere , & quorundam medicorum mens est : quando pestis ab universali aëris corruptione generatur , omnes continuas in pestem mutari .

Respondeo : id ita intelligi non debere , quasi febris quæ Causus , vel Synochus in initio est , temporis progressu malignior effecta , pestilentialis evadat : id etenim necdum demonstravit experientia . Immo in ardentis febris recidiva (peste sæviante) prima morbi Idea conservatur . At insinuare volunt : in peste ab universali aëris corruptione fomentata vix inveniri febrem continuam , quæ pestilentialis non sit ; (ut in initio autumnī hujus anni 1668. deprehendimus) sed à prima morbi invasione talis est ; sæpè autem in initio dolosè latitans Synochum mentitur . Ideoque non facile ad phlebotomiam deveniendum , nisi percognitâ probè morbi Ideâ .

Sed inquires iterum : malefida securitas est , quæ ex pethechiis erumpentibus emergit , cùm in peste similes etiam appareant.

Respondeo eas ab illis omninò esse dissimiles , nam in peste omnes sunt rotundæ , majores , rubæ , flavæ , nigræ , vel ceruleæ : in Causo autem omnes sunt purpureæ vel subrusæ , & figurâ diversæ.



CAPVT



CAPVT VNDECIMVM.

Quòd non sit inchoanda febris continuæ curatio sudorificis, præsertim calidis



Vam in præcedentibus paragra-
phis de damnis & periculis, quæ
subeunt plethorici per validum
exercitium, mentionem feci-
mus, mihi in memoriam revocavit quo-
rundam praxim medicorum, qui in fe-
brium continuarum curatione se nodum
reperisse existimantes, nullâ venæ sectio-
ne præmissâ, calida in principio sudorifica
præscribunt. Quamquam enim diaphore-
tica in febris pestilentialis initio, maximo
cum fructu præscribantur, præcipuè si in
plethoricis præcesserit phlebotomia. Atta-
men idem experiri velle in continuarum
febrium curatione, (ubi de pestilentia sus-
picio nulla est) absurdum est, & ab omni
ratione, & experientia alienum. Par enim
nullo modo est ratio: pestilentialis enim,
cùm à peste excitetur, & ideò accidentalis
nuncupetur, quæ cùm à venenoso halitu
per corporis ambitum recepto procreetur,

consonum rationi est, ut per sudorifica in initio debellari tentetur. Continua verò febris, quæ per cacochimiam in venis majoribus essentialis facta est, nullatenus per sudorifica in initio curatur. Nam impuritas sanguini permixta per pepasmm tantum è corpore potest exturbari. Passim enim ex Hippocrate, & Galeno dilucidè patet, quòd per sudorifica non nisi cocta materia cum ægri commodo sensibilis fieri possit evacuatio: cùm ejus minera non in ambitu, sed in centro & visceribus restagnet.

Pluribus de causis diaphoretica in febris continuæ principio, variisque rationibus rejiciunt omnes Auctores medici. Primò: quia facultas concoquens læditur novi caloris accessione. Secundò: quia calorem nativum, & spiritus hujusmodi medicamenta dissipant. Tertiò: quia tempus secundum naturæ cursum sudoribus movendis non est idoneum; cùm sudores, qui sine coctione accidunt, infidi sint. Quartò: quia ab omnibus calida damnantur, cùm longè maius ex eorum caliditate damnum, quàm commodum ex sudoris provocatione consequatur.

Quapropter carpenda, vituperanda, explodendaque est istorum praxis præpostera, qui nulla præmissâ phlebotomiâ, calidissimis

diffimis astringentibusque sudorificis febris continuæ inchoant curationem, cum nulum signum, nullaque pestis apparet suspicio. Quid, quæso, intendunt istis sudorificis expellere? causam conjunctam quæ est in venis? aut antecedentem, quæ in prima hæret regione? Neutram profectò. Quid ergo, nisi in deterius rem constituere? Ablatis siquidem in morbi initio serositatibus, alij humores redduntur tenaciores: serum enim est sanguinis vehiculum, aliorumque humorum: & sic multò prolongatur morbus. Si febris, certè, sit calor in corde accensus, (ut ejus manifestat definitio) per diascordii, theriaces, & mitridatii exhibitionem, febris continuæ in principio, maius indubiè sumet incrementum.

Attamen si per contagium febris fuerit communicata, post demptam phlebotomiâ plenitudinem, sudor poterit temperatis diaphoreticis excitari, ut sale cardui benediæti, prunellæ, & similibus. Sed acetum vini acerrimum magis mihi arridet: vidi quippe magni nominis medicos id feliciter propinasse, & ego centies ad libram semis immediatè post venæ sectionem haurire jussi optimo cum successu. Id enim minimè calefacit, sed ventriculi cruditates incidendo abstergit, & aliquando feliciter

citer cacochimiam ventriculi blandè vomitu exturbat. Sed id omninò in initio peragi desiderat; nam post tertium aut quartum diem, cùm pepsim aggredi natura inchoavit, vix bonum producant successum diaphoretica, quia concoctionem perturbant, febremque adaugent, ut plurimum. Immò diebus criseos quando sudorem incipit natura extrudere, si sudorificum exhibeatur, statim illa ab incepto desistit opere, sudor sistitur, febrisque non rarò exacerbatur. Quare præstat inceptum negotium naturæ committere, frigus arceri debet, ast æger non nimio obruatur tegumento. Non hîc quadrare videtur illud Hippocratis: *quò natura vergit, eò ducere oportet.* Sed hoc potiùs sequendum: *Dominata operatur natura: finito.* Verùm enim verò cùm ad circumferentiam pethechias, morbillos, variolas, exanthemata, rubores, &c. in febribus acutis, sive in augmento, sive in statu vitalis facultas expellere conatur, levia sudorifica in parva quantitate per epicrasim utiliter exhibentur, ut lapis bezoardicus cum cardiaco in nectare admixtus, vel sal cardui benedicti ad grana 7. vel 8. cum ptisana vel alio liquore singulis quatuor horis, &c. quæ suaviter humores ad circumferentiam alliciunt, motumque

tumque adjuvant naturalem. Madores etiam
& imperfecti sudores melius isto modo
promoveantur, quàm validiori diaphoretico.



EPILOGVS.



Quamvis mero genuinæ veritatis
studio, quædam practantium
errata notaverim, manifestave-
rimque: valdè tamen metuo, ne
horum nonnulli, inveteratâ hæresi contu-
maces errori insistant; ne non ante sapuisse
videantur. Malunt namque multi, ut occæ-
cati equi molæ rotam vertentes, eosdem
passus semper calcare: noluntque à semel
recepta medendi consuetudine ne ad latum
unguem recedere. Sed ipsi viderint. Cùm
enim rationes non paucæ, plurimorum ve-
terum, & recentiorum auctoritates, nec
non veneranda experientia nobis faveant;
quidni ita ageremus? Quidni sapientiam in
viris pro febrium curatione aperiremus?
cùm res ita postulat, cùm morbi minera
infra jecur restagnat, cùm plethora premit
non solum ad vasa; sed etiam ad vires,
ne pars materiæ morbificæ, & cruditates,
quæ

quæ sub jecore delitescunt , versus cor & cetera nobiliora viscera per basilicæ apertionem rapiantur. Cum igitur quotidiana patefaciat experientia , immanes pleuritides , sævas anginas , intolerabilesque capitis dolores , unicâ saphenæ sectione citò tolli in mulieribus ; quidni idem accidere posset viris , ac juvenibus , ubi minera morbi infra jecur restagnat ? Et si saphenæ incisio conferre possit in iis , quæ supra jecur sunt phlegmonibus , multò magis cum materia vaga est in venis , nec alicubi sedem fixit per inflammationem.

Sed mussitantes audire videor , virum me sanguinum nuncupantes , eo quòd in toto hoc opusculo ubique occurrant reïteratæ venæ sectiones , cum vitæ thesaurus in sanguine consistat , viribusque per nimias phlebotomias ablatis , natura succumbens vim morbi sustinere , succorumque peccantium concoctionem aggredi minimè potens sit.

Respondeo thesaurum esse inutilem , si non nocivum ; quem avarus contingere non audet , ne minuat. Sed Domini prudentia in bona thesauri dispensatione manifestatur , quem nec prodigum , nec parcum nimis esse decet. Verissimum autem ex attenta observatione deprehendi , multò plures facto occumbere ex tardiore , & parciore phlebo-

phlebotomia, quàm ex liberaliore. Totum verò in eo consistit negotium, ut sufficientes satis tempestivè venæ sectiones celebrentur; confectâ etenim inflammatione, ita ut sit abscessus initium (quod sæpè quarto, quinto, aut sexto die accidit) supervacanea est venæ sectio. Id autem non à primo morbi die, sed à phlogosis inchoatione est supputandum.

Quamquam autem veritatis amore, quidquid in hoc opusculo est, scripserim: attamen id ipsum mihi vendico, quod Carolus quintus Imperator Francisco primo Galliarum Regi aliquando fertur respondisse: *Homo sum, nihil humani à me alienum puto.* Idèòque non mirum si à veritatis scopo quandoque vel invitus aberraverim: sed absit à me, ut errores meos (si qui sint) mordicus tueri velim. Paratus enim sum, & illos, si rationibus & experienciâ convincantur, retractare; & sapientiorum judiciis quidquid conscripsi (uti facio) submittere.

F I N I S.

APPRO-



APPROBATIO.

IN hac *statera sanguinis* nihil deprehendi erroris contra fidem aut bonos mores.
Datum Tornaci die 29. Iulii an. 1668.

E. P L E S S E R E A
Can. Torn. & lib. Censor.

E R R A T A.

PAg. 16. linea 10. *judicant*, lege *indicant*. pag. 36. linea 6. verba 6. desiderantur. Sic vero legendum: cum enim humor peccans in venis superioribus continetur, vel cum pars è superioribus aliqua, phlegmone afficitur.

♦♦♦

eben-
vrs.

E A
lor.

pag-
role-
ope-
ibor



C



te
di
m
r
c
sa
gi
ru
hi

lu
co
lia
q
te
r



COROLLARIUM

DE PESTIS MODERNÆ

REMEDI O.



ATEOR, benigne Lector, opusculo hoc intendisse me quorundam præsertim Medicorum errata, ut corrigerentur indicare: obiter verò, & summatim pestis remedia tradidisse. Vnde in paragrapho 5 c. 7. dixi: *Quando materia venenosa est consentaneum esse cenſeo ad vinum recurrere emeticum.* Item paragrapho 2. cap. 10. *Multi ſtibi ritè præparati infuſione ſanitati reſtituuntur.* Et alibi alia curſim tetigi; nullibi autem, prout rei dignitas merebatur, materiam digeſſi; utpote qui alium mihi ſcopum præfixeram.

Attamen quia peſte ſæviente hic libellus in lucem prodiit, multorum amicorum, qui contra hoſtem ſæviffimum expectabant auxilia, ſpem fruſtravi & vota: eò vel maximè; quò de peſte facta mentione, primùm à venæ ſectiõne inchoandum conſuluerim; poſtea ab ea omninò abſtinendum cenſuerim. Quid igitur

E

tur

tur agendum, inquit? An solis alexiteriis insistendum? At certè parùm hæc, aut nihil hucusque profuisse manifestavit experientia: constat enim vix decem ex centesimo numero, eo evasisse remedio.

Quapropter ut illorum desideriis faciam satis, sciendum est vix unquam pestem novam exoriri præcedenti similem: idèdque unius remedium, vel curationem alteri ferè numquam quadrasse deprehensum est. Quare cum pestis aliqua debacchari incipit, difficillimum est ei certo & analogo occurrere remedio: sed id ex multorum curatione & interitu à Medicis dignoscendum. Indaganda itaque diligenti ac perspicaci observatione veneni qualitas: & cui parti, cuive humori immisceatur & adhæreat, sagaciter explorandum.

Pestis præcedens incepit anno 1646. & usque ad 1652. aut circiter desævire non destitit. Tunc verò massæ sanguineæ omnium primò se insinuabat pestilentia, postea ad alios serpebat humores, perniciè ubique generans. Febris quippe, validæ more tempestatis, fortis statim ab initio maximè fervebat, summa cum inquietudine & siti, ardentem per totum corpus diffundens calorem: ac propterea sanguinis missio ab initio celebrata, quam excipiebat sudorificum, eam (ut plurimum) fugabat

fugabat ante diem secundum, satisque feliciter sanabantur ægroti, ut notavimus paragr. I. cap. 10.

Verùm ex attenta pestilentia præsentis observatione omniumque illius symptomatum enucleatione manifestissimè detegimus non parvam interesse differentiam. Hæc enim cum febre miti, magna ex parte in initio apparet, absque siti, absque acri calore: sæva autem quæ contingunt symptomata, sunt molestus stomachi, lumborumque cruciatus, subita ciborum inappetentia, nausea, vomitus, summum dormiendi desiderium, &c. quæ omnia perspicuè demonstrant auram pestilentem statim in principio primam aggredi regionem, & in cruditatum ac humorum corruptorum saburra intra ventriculum & circa intestina restagnante suum stabilire munimentum: unde cor & principes facultates ad deditionem compellit. Et hanc arbitrator causam esse, cur plures pueros ac puellas, quàm viros hæc pestis abstulerit, quia nempe puerorum ac puellarum ventriculus, magis abundat cruditatibus, virorum non ita, nisi aliunde, verbi gratia ex potitationibus, ingurgitationibus, similibusque vitiis illæ procreentur. Vnde ut plurimum viri, qui peste obierunt, dictis cruditatibus obnoxii fuerunt, aut ex communicatione pestiferorū virus contraxerunt.

His ita attentè consideratis, quis medicorum ad venæ sectionem deveniet, quæ ex prima regione ad secundam, & inde versus cor venenum trahit? Scio equidem aliquos à præsentì pestilentia per venæ sectionem, & subsequens antidotum evasisse; at illi nulla molestabantur nausea vel vomitu, nec eorum ventriculus scatebat cacochimia, sed more præcedentis pestilentia, massa sanguinea. priùs fuerat inquinata per transpirationem. Nunc verò major pars afficitur per respirationem; ac propterea frequentius primam regionem virus invadit, ex qua quàm celerimè vomitu exturbari debet, antequam serpat profundius: conatus enim naturæ hoc indicat. Est etiam Hippocratis doctrina, *Quò natura vergit, eò ducere oportet.*

Itaque nihil præstantius, nihil efficacius, nihil conducibilius ad hujus pestilentia curationem inveniri posse autumo, quàm egregium pestis in initio porrigere vomitorium, ut diligenti observatione compertum est: at sequentia observari debent dogmata.

Primò: ut detur primo die morbi, aut secundo, si nondum à natura quidquam foris patefiat, ut bubo in emunctoriis: quamquàm non paucis post vomitorium contigerit sanitas, quibus aliqui bubones eruperant, sed illi nec magni, nec valdè dolentes reperiébantur.

Faciliùs

Facilius autem servantur vomitorio, quibus soli eruperunt carbunculi.

Secundò: ut emeticum exhibeatur ante quodlibet sudorificum, præsertim alexiterium, hoc etenim ex ventriculo virus exturbat in secundam, aut in tertiam propellit regionem, at rarò ex toto corpore eliminat, immò nec totaliter ex ventriculo. Nam alexiteriis cruditates non evacuantur, sed cum eis adhærens virus (ut plurimum) saltem ex parte retinetur: præstat autem venenosam materiam in prima delitescere regione, quàm alexiterio illam profundius impellere: facilius quippe vomitu ex prima, quàm ex secunda, vel tertia extrahitur regione.

Tertiò: ut 4. horis post emeticum, vel sedato vomitu propinetur diaphoreticum præstans & egregium, at non imbecille; ut pestilens aura, quæ penetravit profundius, radicitus extirpetur, & centro per vomitum mundato reliquiæ eliminantur per circumferentiam.

Quartò: ut generosum eligatur emeticum ex antimonio potiùs optimè preparato, quàm aliunde: id enim omnibus perbellè satisfacit indicationibus, nam non modò infra supraque vitiosos cum veneno exturbat humores; verùm etiam unà per sudores: egregium etenim ex antimonio eliciunt diaphoreticū Chimici.

Ego autem optimo cum successu præbeo
vinum

vinum emeticum ex generoso vino confectum ab unciiis duabus ad uncias duas & semi robustis; debilibus verò & pueris proportionatè: id autem fit ex infusione croci metallorum in vino. Eodem etiam successu tartarum emeticum à granis 4. ad 7. ab Adriano Aminziè præscriptum identidem in cocleari iusculi vel cerevisiæ porrigo, vel eorum defectu, feliciter utor oxisaccharo vomitivo à dracmis sex ad unciam unam: fit autem id ex vitri stibii subtilimè pulverisati dracmis sex, quæ infunduntur in aceti vini unciiis quatuordecim per horas 24. deinde filtrantur per inclinationem, & pannum duplicem, & coquantur cum sacchari fini unciiis quatuordecim in syrupum.

Fortia hæc quidem sunt, sed sævus morbus blandis minimè cedit medicamentis: immò præstat validiorem dosim esse, quàm imbecilliolem: quando enim vomunt insigniter, & postea strenuè sudor elicitur, indubiè reportatur victoria, & sanitas certò certius succedit. Si verò segniùs vomant, & nihil memorabile extrudant, mali ominis est: nec enim confert aliud fortius repetere, sed prima vice valida dosis ægri viribus proportionata præscribenda est.

Subsequens autem sudorificum si votis non ita satisfecerit, post octo horas aliud valentius potest

potest propinari: intereà tamen ægri viribus consulendum, tribus scilicet horis post primum sudorificum iusculum carnis analepticum porrigendo. Hac autem methodo ex duodecim peste laborantibus faciliè octo, aut novem servari compertum est.

Pestilentiam Dei offensi, & populū, quem diligit, corrigere satagentis flagellum esse, nullus it inficias, sed cur prius hic humor potiùs inquinetur, quàm alter, ab humana mente capi faciliè non potest. Si tamen omnipotentis Dei judicia scrutari liceret, sententiā Divi Gregorii Magni in aliqualem causæ agnitionem devenire possemus, quæ ita habet libr. 4. moral. cap. 10. *In ipsa qualitate ultionis notavit Deus naturam criminis.*

Si peccata publica, quæ antecedentem pestilentiam præcesserunt in memoriam revocemus, frequentissima occurrent homicidia: tria enim occisorum millia intra unius anni spatium in solo Belgio inter rixas & jurgia commemorantur. An non fortè proptereà in ultionem effusi humani sanguinis, aurā pestilenti affecit sanguinem in venis?

Præsentem autem pestilentiam quæ antecesserunt flagitia, à nullis putem ignorari: fuerunt autem crapulæ, publicæ ebrietates, ingurgitationes, &c. quibus, præter Dei offensam, multiplices cruditates, & humorum cor-
ruptio

86 *Corollarium de pestis modernæ remedio.*

ruptio abundè producuntur in ventriculo, intestinis, & prima regione. Quis proinde miretur, si etiam istis humoribus & locis affixerit Deus ultionem criminis? Iustissimum, quippe est, ut per quæ quis peccaverit, per hæc & puniatur.

Verùm enim verò tam inscrutabilis est divinæ bonitatis abyssus, ut nolit mortem peccatoris, sed ut magis convertatur & vivat: aded ut & in ipsa pœna ultionis manifestet indicationes curationis. Propterea nempe in peste præcedenti, quam effusio attraxerat sanguinis, missio proderat sanguinis: in hodierna verò quæ à crapula & ingluvie traxit originem, per vomitus evacuationes magis profunt.

Vis autem & ab hodierna & à pristina peste saluberrimo præservari consilio? Cum arte medicinæ calida frigidis, frigida calidis curentur, esto & tu celestis Medicus, singulis quibusque vitis, quæ divinam promeruerit vindictam, obviantia adhibe medicamenta: oppone sobrietatem crapulæ, iracundiæ mansuetudinem, rixis & jurgiis charitatem; & in Domino sperans non infirmaberis.


FINIS.

dio.
lo, in-
mire-
fixerit
quip-
hac &

est di-
n pec-
vivat:
ter in-
e in pe-
at lau-
diora
inem,
ant.

ina pe-
Cum
calidis
ingulis
erore
mentat:
z mau-
; & in

et in
et in
et in
et in
et in



500

